




硃批諭旨


邁  
柱奏摺下





硃批邁柱奏摺

雍正七年九月十七日湖廣總督臣邁柱謹



奏為謹繪新設永順府縣輿圖恭呈

御覽事竊照永保桑三土司地方荷蒙

皇恩改土歸流經臣題請

欽定永順一府轄屬永順龍山保靖桑植四縣其知府

睿鑒以下各官亦經遴員調補奉有

俞旨現催赴任所有郡縣疆界臣謹恭繪輿圖進呈

御覽至永順協設兵八百名保靖營設兵四百名桑植

營設兵三百名俱已抽調到汛現在相度險易隘



日安塘設汛分派巡防棋布星羅務在嚴密圖內  
未及細載俟安設妥協之後另行繪圖  
命進呈合併陳明伏祈  
睿鑒謹  
應題者仍行具題毋因既經摺奏遂不具疏題奏也此  
事日今原可不必

同日又

奏為覆奏

訓旨併繳

硃批原摺事竊臣前奏楚省被旱緣由一摺奉有  
皇上御批臣跪讀之下悚惕愧赧自知秉質庸愚學識  
淺陋未達

天人感應之理荷蒙

訓示使臣憬然覺悟今楚省雨澤愆期不克歲臻大有  
向後但覺稍有水旱情形作速奏聞不可遲誤  
皆臣奉職無狀所致臣惟有仰遵

聖訓倍加修省冀挽

天心於萬一耳再臣前奏田旻如逼逃川省粟穀壩田良

臣等一摺奉有

硃批今趙弘恩業已到任臣遵將

硃批諭旨

下

二

邁柱



聖意密諭知之矣以上奉  
批原摺二件理合恭繳謹

奏

知道了

同日又

奏爲恭報湖北收成分數米價情形事竊查本年中  
晚二禾收成分數先因屢催湖北藩司查報未到  
業將湖南收數具摺先行奏

聞茲據布政使徐鼎將湖北八府一州收成米價分晰  
開報前來臣謹另摺開呈

御覽外再查各屬雨暘調順一應黍稷麻豆雜糧俱獲  
豐收卽前此少雨之處補種蕎麥現今茂盛是以  
民間米價甚平地方寧靜臣猶恐明年青黃不接  
開之時或有米價昂貴之處現行布政司於商捐買  
一穀銀內借支一萬二千兩委員赴衡寶荆襄等府  
最熟之地買米運貯省城以備分發照原價減糶  
土備之用賣出價值仍補原項合併陳明伏祈  
睿鑒謹十一月二十六日奉

奏

覽奏朕懷少慰湖北今年收成米價未料如是也

殊批諭旨

下

三

邁

柱



同日又

奏爲覆奏事竊臣接到怡親王等寄字內開雍正七年七月二十六日奉

上諭聞得從前發遣廣西人犯心懷怨望在外捏造悖逆之言沿途布散查雍正四年十二月內發遣人犯一名達色雍正五年三月內發遣人犯一名馬守柱閏三月內發遣人犯一名蔡登科四月內發遣人犯二名耿桑格六格太監一名吳守義五月內發遣太監一名霍成以上七人俱係發往廣西之犯伊等既捏流言則沿途解送之官員人等斷無不會聞知之

理爾等可寄信與該督撫將從前曾經押解犯人之人員一一查出確加詢問令其將各犯所捏悖逆之語一一據實說出不許隱諱一字伊等係聞言之人毫無罪過不必畏懼代爲隱瞞倘此時不肯據實說出將來嚴加究訊之時本犯自行供出及他處查出之後定將隱瞞之人從重治罪欽此遵

旨寄信前來總督可遵照卽行辦理務須明白開導使伊等供吐實情等因到臣隨卽欽遵密行北南按察司密提押解兵役明白開導使其供吐實情仍解候親詢去後除湖南已咨撫臣就近詢明具



奏外今據湖北臬司回稱遵經密提從前押解各犯之官兵人役逐一查詢僉供伊等各管解達色等七犯在途不過需要口糧人夫竝未聽有悖逆之語再四詰問俱各堅供實未聽聞等情前來臣覆加婉曲面詢與該司取供無異理合據實奏

聞仰祈  
睿鑒謹

奏

奉朕諭旨特交事件如是草率奏覆甚屬慢忽可謂無能玷職之至湖南巡撫兩司革任之諭諒已知之矣汝

等若仍前慢視不行研窮細詢斷乎不可旨到速速訊取信供具奏以聞

同日又

奏為謹陳湖南吏治情由仰祈

睿鑒事竊臣蒙

皇上殊恩畀以總督重任凜遵

訓旨首以察吏安民為務今湖北各屬經臣時加勸誡

吏治已覺可觀惟湖南遠隔重湖自司道以至守

朕早覺恐未必然令從不一至武昌勢不能耳提面命愷切開導而撫臣王國棟辦事雖極謹慎然馭下失之太寬按



何今已有旨將二人罷黜汝此奏是亦幸有此奏少遲  
數日欲言已無及矣  
察使郭朝祚職司風紀而事多姑息務博忠厚之  
名即如臣現在訪叅之武岡知州余光熨其諱賭

諱命穢蹟甚彰撫臣已有見聞業行按察司提審  
而該州抗不詳解上司亦不揭叅則威令之不行  
吏治之疲玩可類推矣再如辦解銅劬一項例委  
道府領價購辦原非苦難之事而湖南庚戌年上  
下二運各府互相推避及委定長寶岳常等四府  
知府輒具會詳以購辦維艱請開綏寧桂陽銅礦  
以資解運撫臣隨致商於臣臣思銅礦一開不肖  
匪徒蜂屯蟻聚恐致別生事端且楚南之礦時有

斯論是當之極朕甚嘉之

時無烏合之衆易聚難散該府等止圖一己之便  
利而昧地方之大計由此觀之是湖南積習猶未  
盡改除逐一密訪不肖劣員嚴叅示儆外臣再查

州縣倉庫例係知府盤查今湖南郡守彼此聯絡  
屬員之賢不肖總在上司之能否則何如若王國棟在任  
保無上下相朦之弊以臣愚見若於北省賢能知  
縱對調北省之員可保必無濟於事仍如舊耳趙弘  
恩似一府內對調數員則弊端自出而積習可以漸除未  
聞覺風屬侯伊到任後汝等商酌而行  
頗伏候

皇上訓示謹

奏

殊批諭旨

下

六

邁柱



嘉悅覽焉

皇上同日又

聞奏為據實奏

聞事竊據湖北按察使王肅章印稟內稱為道員擅擾大典鄉闈關防不謹事伏查三年賓興乃朝廷掄才大典闈中內外關防理應謹嚴以絕弊竇今值楚省鄉闈之期有武昌道徐聚倫於八月二十六日貢院晚鼓開門該道無端乘轎而入跟隨人役一齊同至至公堂卷棚下監臨迎請邀坐該道徑入監臨房內臨晚出院又二十七日早鼓該道

又至一切行儀與二十六日同監臨隨示開照得科場理宜嚴肅京闈三場雖畢內外截然外省公事煩多各屬稟商要務自當循例傳進但恐僕從濫入必致漸滋弊竇今後如有緊要公務面商者先令龍門官傳稟於至公堂公同相見管門各官毋得任意放入致干察究等因在案本司職司風紀事關道員擅擾大典鄉闈關防不謹斷不敢避嫌徇隱并干

功令相應據實稟報等情併據提調糧道張廷樞監試鹽道楊晏各稟同前由到臣臣查鄉試大典理



宜嚴肅武昌道徐聚倫無端直入貢院甚屬乖戾而布政司徐鼎身任監臨優容含忍不卽拒絕均爲不合臣本應據稟

題叅因兩員操守尚有可稱仰體

皇仁除各加訓飭倘仍無悛改自當據實叅處外緣據司道具稟前來理合

奏明伏祈

睿鑒謹

奏

於汝奏未到之前業據徐鼎具摺陳奏或係防汝叅論

預爲自潔地步亦未可定屬員類此失於檢點之過理宜切加訓誡若仍不改悔放縱自恣則不可更爲姑容當叅處示懲令屬員各知慎畏也

雍正七年十月二十日湖廣總督臣邁柱謹

奏爲奏

聞事竊照湖北中晚二禾收成分數經臣具摺

奏報內有興國孝感等七州縣入秋少雨現在委員踏勘情形其分數未定業於摺內陳明今據布政司詳據府縣勘明實有六分五分以上收成委不成災出具竝無諱匿印結前來臣覆加訪查無異



又現今雨暘及時麥苗繁盛米價甚平至於南北  
堤塍伏秋兩汛江湖水勢平穩堤塍俱皆保固竝  
無漫決之患今當農隙之候臣現飭州縣及水利  
各官督催糧戶各出夫土照例加增修築不敢怠  
聞建誤合併具摺奏

聞謹

奏

覽

據爾齋呈田旻如奏摺朕已備覽可向伊密宣朕諭其  
既往之咎朕悉予寬貸向後當諸凡謹慎一一祇遵訓

諭而行奉公守法教養士民痛改從前土司陋習自然  
子子孫孫永沐國恩也至伊摺內有恐乖法體伏祈敕  
部議處等語當諭伊云此事係由該提督密摺奏聞竝  
未經由部科朕原情恕宥即可暗銷之事毋庸照請敕  
議如此詳細傳諭於伊可也

同日又

奏為備陳清查積欠情由仰祈

睿鑒事雍正七年十月十三日臣接到大學士公馬爾

命賽等寄到欽奉

上諭一道因徐鼎摺奏荆門州民間訛言清查必致加



賦

命臣將楚省清查之事暫行停止欽此伏查上年十一月內蒙

皇上命臣兼理湖北湖南不清錢糧臣正在辦理間於閏七月二十四日復准部咨條奏沔陽積欠宜逐戶挨查編造完欠清冊催徵一疏奉

旨命臣遴選賢員徹底清查辦理臣遵卽委本管之荊州道高起督率委員清查臣仍大張告示申明包攬侵食者速令自首准其分限清完免罪又念此項舊欠錢糧應有加一火耗乃舊任各官之養廉

久已去任似可不給除每兩三分解充公項其餘耗羨七分槩行豁免以紓民力現今人心歡服首者完者陸續而至一月之間已完銀五千餘兩是委荊州道督率清查者止沔陽一州其餘俱令各州縣辦理竝未另委今徐鼎忽奏荊州道督率委員協辦有荆門州民訛言必致加賦紛紛求停等語將委令該道清查沔陽之事而移作荆門殊屬朦混且荆門州民訛言請停乃因徐鼎請行順莊之故查本年四月內據徐鼎請行順莊之法力言實爲有益臣令先擇一二州縣試行至五月內又



據徐鼎具詳荆門州田糧請委效力人員徐成信  
協同該州清理經臣批行嚴飭該員毋得藉端滋  
擾在案及閏七月初旬臣訪聞荆門因順莊一事  
赴州官環訴請停隨即密諭飭查嗣據荆門知州  
蔣曰梅稟稱七月內州民因山田缺雨赴城遞詞  
併請停止順莊卑職撫諭俟查勘分數如果成災  
自當轉報其順莊門單亦當代請候示民各散去  
等情臣查順莊一法恐有奉行不善隨經諭令暫  
停百姓亦帖然寧靜如果民不安妥臣必先行入  
奏何待彼言茲徐鼎膠執已見奏請

敕發人員以爲順莊之用荷蒙

皇上聖明洞鑒以試用人員不曾諳練難委分查之責

皇上將楚省清查之事暫行停止俟新撫到任之後與  
新任臣悉心籌畫辦理等因臣查徐鼎請行順莊清查  
田糧一事自應遵

旨暫停至臣現行分別役蝕民欠令其自首限完免罪  
諸事當此收成之後正可催徵倘亦停止恐刁玩  
之衿役自必觀望不前伏懇

皇上允臣照前辦理庶無中阻之虞而積弊得以一清  
矣爲此繕摺備陳伏乞



睿鑒謹

奏

此奏甚是另有旨諭部矣

雍正七年十月二十八日湖廣總督臣邁柱謹

奏為遵

旨覆奏併繳

硃批原摺事竊臣前奏達色等解役詢供一摺奉有

皇上御批臣捧讀之下惶恐無地此實愚昧疎忽咎無

可辭荷蒙

皇上訓飭不卽加罪

恩令補奏今臣覆加密詢取有信供另摺具

奏伏乞

睿鑒所有

硃批前摺附便恭繳謹

奏

楚省有邁柱王國棟如是督撫自應吏治不及他省事  
事不如他人也朕實代汝抱慚總之一不誠則諸凡不  
可問矣

雍正七年十一月初八日湖廣總督臣邁柱謹

奏為請

硃批諭旨

下

三

邁

柱



旨事竊照湖北恩施縣知縣馬昉義患病難勝要缺臣  
現經

題請休致所遺員缺乃施州衛併大田所新經改設  
之縣地處苗邊管轄十六土司非熟悉風土苗情  
者不克勝任今查有現任駐防桑植守備鈕正己  
表前任大田所守禦千總歷任十餘年之久該員前  
表因調考臣見其人甚是明白詢以苗地情形莫不  
表諳悉且十六土司土民素相信服若以之改補恩  
表施縣知縣實係人地相宜但以守備改補知縣與  
表例不符未敢遽繕明疏臣從因地擇官起見特請

皇上訓示遵行謹

奏

照該督所請鈕正己補授恩施縣知縣該部知道

臣等同日又  
奏為請

旨事竊臣前奏副將張可才與叅將崔鼎互揭一摺蒙  
皇上硃批張可才准留楚省當於本內聲明請旨崔鼎  
所揭既誣何可從寬按律處斷之後令其來京引見  
請欽此及臣審明崔鼎誣揭情由擬罪具

旨題奉

硃批諭旨



旨張可才著留湖廣交與邁柱遇有人地相當之缺題  
請補授崔鼎著革職其杖流之罪從寬准其折贖該  
部知道欽此部咨到臣轉行遵照在案除張可才留  
楚俟有相當之缺  
題補外查崔鼎現奉  
明旨未有來京引

見字樣今應否俟其折贖之後咨送回籍抑或仍遵前

次

批諭給咨赴部引

見之處臣未敢擅便相應仰請

皇上批示遵行謹

奏

汝審觀崔鼎尚屬可惜人材則送部引見若係無知狂  
妄之輩咨回原籍可也

皇上雍正七年十二月十五日湖廣總督臣邁柱謹

奏為恭謝

天恩事雍正七年十一月二十七日臣齋摺家人回楚

天恩捧到

皇上賜臣哈密瓜五圓臣謹望

闕叩頭謝

殊批諭旨

下

十四

邁

柱



恩祇領訖竊臣自愧庸材謬膺重任日凜素餐之懼時  
皇上懷茹蘖之心屢沐

天恩特頒珍味茲復

賜臣哈密名瓜臣跪嘗之下感激難名仰沾人回禁  
多縱盜匪隱匿流言即汝報朕之道也  
雨露之施永矢涓埃之報謹繕摺恭謝伏乞

皇上睿鑒謹

奏

覽奏代汝曷勝慚愧

同日又

奏為恭報楚省得雪情形事竊查楚省南北地方於

以手加額覽焉

十一月內連得大雪詢之壽農咸稱來歲二麥必

獲豐收之兆臣惟有躬自敬謹益加修省以期

天佑仰副

聖懷謹繕摺奏

聞謹

奏

大雪固屬佳兆但既為必獲豐收之狂言尚何敬謹修

省之有耶常查

皇上同日又

奏為覆奏事竊臣前奏清查沔陽積欠并陳布政使

殊批諭旨

下

十五

邁

柱



奏徐鼎朦混情由一摺荷蒙  
皇上睿鑒隨准部咨奉

旨命臣照常清查竝將徐鼎朦混之處交部察議欽此  
臣現在欽遵悉心清查據委查沔陽積欠之荊州  
道高起稟稱多方宣布

皇仁減耗撫字勸令自首輸將闔州童叟歡呼其包侵  
等項先後已首出一萬三千餘兩而各方尚有未  
報者百姓樂於清查以免胥役包侵之累頂祝  
聖恩遍於四野等語前來理合奏  
聞謹

奏

高起之語何可盡信江南積欠始初亦如是奏聞卽係  
沔陽前鑑須再體訪輿情更加詳慎切勿膠固文飾執  
意強爲一切事務朕但悉實情則不難裁奪所以諄諄  
訓諭爾等不可絲毫欺隱也

同日又咨聞南甌東甌且出計查孽蠶災邑否  
奏爲奏  
聞事竊臣訪聞有江南人龍瑄者帶有眷口寓居漢口  
地方稱奉王差往廣東開山其形跡來歷不明隨  
委標員會同府縣嚴查去後據漢陽府等獲到伊



子龍曹供稱伊父龍瑄係江南望江縣人於本年正月內蒙十三王爺叫往廣東開山已於十一月初六日起身由長沙湘潭往廣等語臣查龍瑄稱奉王差恐有假冒情弊除飭地方官將伊家口收管竝密咨湖南廣東撫臣迅行查拏嚴究是否假冒外理合奏

聞伏祈

睿鑒謹

奏

怡親王寧有此事棍徒假冒何疑速宜嚴拏審究京城

更有夥黨為伊線索亦未可知逐一徹底詰訊明白具奏以聞

同日又

奏為覆奏事竊查先據彭肇槐呈請留伊母弟在永緣由經臣摺奏奉有

硃批仰見

睿謨深遠措置咸宜臣即欽遵寫字差齎與彭肇槐委曲開導使知

聖恩廣大令將母弟即速迎養併咨江南督臣飭催去皇土後今據彭肇槐回稟內稱肇槐獲邀



皇上高厚洪恩賞銀授職理應將嫡母生母併弟肇模等迎養任所同歸原籍伏乞飭令地方官曉示俾肇模等各將田產變價隨同原籍安插若愚昧遲留飭令遞解回籍等情到臣除行湖南布政司轉行永順府遵照催令查明家口名數造冊請咨遞送回籍外所有彭肇槐感激

天恩遵照令伊母弟回籍稟覆情由合先具摺奏

聞謹

奏

此等易於措置之事尚然籌慮不及何顏具此一奏耶

同日又

奏爲奏

聞事竊臣前准大學士公馬爾賽等寄信欽奉

上諭緝拏大盜趙七等因欽此臣隨密諭按察司竝地方各官選差誠信能幹捕役懸賞暗行緝捕竝用密札差役齎赴兩江督臣及江西撫臣知會一體密拏俾無漏網各去後臣又廣爲探訪趙七實係江南積盜姓名不一居住靡定因面有疤痕人呼趙七疤子家住江南儀徵縣蕭公坊麻石橋又住龍門橋地方二年之前曾來湖廣此後又無踪跡



今臣現於南北兩省多方購緝除湖南獲到匪犯  
鄒細徠仔供出趙七夥盜情由已經會同撫臣摺  
奏外臣又訪得該犯會到楚省團風鎮地方有巡檢  
蔣基送至僧人紹裔廟內住過併雇蕭二划船乘  
坐隨經密拏紹裔蕭二等訊據紹裔供雍正五年  
三月蔣巡檢送一張五爺至廟住歇云係相好鄉  
親常雇蕭二的船向鹽船上要鹽早去晚回常帶  
四五十包鹽在鎮上賣錢使用因街隣說不是好  
人不容他住五月內卽雇蕭二的船往別處去了  
這姓張的臉有一疤等語據蕭二供張五爺雇過

幾次船在沿江一帶遇有鹽船就去要鹽船上不  
敢不給那年五月內雇小的船送至廣濟武穴地  
方又轉雇巴斗船下去了等語據巡檢蔣基供雍  
正五年三月有張五稱係同鄉來會巡檢要在鎮  
暫住後聽見張五飲酒鬧嘴催他起身雇蕭二的  
船去了等供臣查僧人紹裔所供狀貌則張五卽  
係趙七更名可知巡檢蔣基從前與之往來必知  
現今下落除發按察司嚴行究審外臣仍各路訪  
拏務期必獲不敢少怠合將現在情由具摺奏

聞再臣先於十月內風聞趙七逃往四川臣卽飛差寄



信與四川撫臣憲德協同密拏去訖合併陳明謹

奏

正緣汝等庸平督撫訪緝無術不加慎密透漏消息致令遠颺而乃推卸川省亦屬大可笑也地方上巨盜公行上下官吏漫無知覺猶如聾瞽及朕將姓名示知又復混行傳播俾其聞風潛遁自豫解來盜犯至楚境內皆開鎖逸去是亦可謂能勝任之賢封疆大臣矣試一思之寧不少愧赧乎此二案盜犯若不就獲汝與范時繹尚何顏忝居此任耶

雍正八年二月初四日湖廣總督臣邁柱謹

奏為奏

聞事雍正八年二月初三日臣准湖南撫臣趙弘恩咨

開准廣東撫臣咨會恩平縣報獲姦徒李時英等搜出令旗偽劄并供報夥黨等由恐有姦徒飄突潛聚交通請飭接連兩粵各州縣一體嚴加防範訪緝遇有踪跡可疑卽行擒拏等因轉咨到臣隨卽飛飭界連兩粵各鎮協營密行防範并地方文員一體嚴謹查拏如遇粵省姦徒飄突入境立卽擒捕毋使滋蔓外理合奏

聞伏祈

殊批諭旨

下

二十

邁柱



睿鑒臣謹

奏

詰姦緝匪乃封疆大吏之第一要務當不時留心稽查者何待粵省咨移而後飭行防範耶

同日又

奏爲奏明事竊照永順保靖桑植等地方水陸道路類多崎嶇阻礙在昔土司於此恃爲險固今蒙皇上恩准改土歸流土衆俱入版圖自應修治平坦以便往來臣於前歲已卽檄行布政司辰沅道勘估詳報嗣據該道王柔請於建治設營之後舉行在

案茲建設郡縣分布營汛規制已定文武各官俱經赴任臣現催司道將陸路河道險仄之處作速勘估興舉俟詳覆到日酌動公項銀兩給發地方官逐一修濬悉爲坦途俾舟楫通行輓運稱便謹具摺

奏明伏祈

睿鑒謹

奏

此奏是應舉行者作速爲之

奏同日又

殊批諭旨

下

三

邁

柱



奏竊臣接據沅靖等協探報黔省古州等寨兇苗反復無常現在用兵攻剿臣恐黔苗奔竄遁入楚境亦未可定即密札鎮筵鎮道併連界各協營暗為整頓以備逃竄竝令祕密勿致張揚如遇黔民奔遁立行擒解若有向化投撫者好為安插竝將本管土苗加謹彈壓毋使驚懼外至鎮筵六里紅苗現今雖斂戢安靜然善後之圖應俟黔省古州大定之後容臣酌議另摺恭請

所見是然此非汝等平常供職具臣所能了之事諸凡皇上訓旨臣於本年正月內因布政司楊永斌至省已當與汝婿鄂爾泰密相籌計而行未有不中肯綮者類經面諭該司意見相同目前惟有飭令鎮道善為

斯機務切須慎密辦理不可草率更勿張揚撫戢毋滋事端臣惟仰遵

諭旨無分彼此以副

皇上綏靖邊疆至意謹

奏

覽

雍正八年三月十七日湖廣總督臣邁柱謹

奏竊照楚省南北各屬地方今年二月以來雨水霑足菜麥茂盛據湖北布政使徐鼎開報下米每石七錢五六分至八錢不等中米每石八錢四五分至九錢不等上米每石九錢六七分至一兩不等

殊批諭旨

下

三

邁柱



湖南布政使楊永斌開報中米每石六錢至八錢不等上米每石七錢至九錢不等雨水俱各霑足二麥可望豐收等由到臣俟二麥成熟查明收成分數另

奏外所有現在情形理合恭報仰祈

皇上睿鑒謹

奏

二麥必待登場後方可言豐收二字去春汝亦曾如此具奏也惟當恪秉敬誠以迓

天庥毋稍肆志

雍正八年四月二十四日湖廣總督臣邁柱謹

奏為恭請

訓旨事竊照辦理六里紅苗事宜經臣會同撫臣趙弘

恩會摺具

奏現候

皇上指示但查武昌相距湖南道路遙遠一切機宜必

須就近調度方無往返遲誤且地里情形臣兩年

以來雖留心察訪而耳聞不如目見之確臣擬俟

隨旨湖北撫臣費金吾到任之後於八九月間輕裝減

從自備供給親至湖南督同文武各官悉心辦理



理合繕摺先請 全屬南晉同文友各官悉心機事  
訓旨伏候 無庸費金詳歷丑之發派八什以開習業  
皇上批示遵行謹

奏

湖南之行今歲且可不必湖北撫缺已調用魏廷珍矣  
俟伊到任觀其心行於楚地宜否來年往詣亦不為遲  
其間紅苗機宜倘有緊急辦理之件不妨仍令撫提二  
臣會商調度也

同日又

奏為奏

聞事雍正八年四月初八日據湖北忠崗宣撫土司田  
光祖詳稱為萬難容隱據實密陳事竊照職司附  
近容美時遭田旻如侵凌暴虐俱已隱忍近來行  
止愈乖謀為不軌新造鼓樓三層拱門三洞上設  
龍鳳鼓景陽鐘門內鑿沼一道清流環繞名曰玉  
帶河架石橋三拱名為月宮橋住居九重廳房五  
重僭稱為九五居更於私垣建築觀星臺著令門  
客異人晝夜登臺觀望星斗尤可異者本年正月  
十五日密差太監一名侯有之至職司地方查取  
脫回被拘女口時經舍目田邦華回報前來旋據



土婦韋氏稟稱伊子覃連於雍正二年被容美司  
拏去改名三星割做太監適纔聽說現在宮內乞  
恩取回等情又據土民庚生兒稟稱小的兒子田  
玉美也被容美司拏去割做太監職司隨喚侯有  
之查詢據供現在宮內伺候的太監有二三十箇  
田玉美三星亦在其內等語似此種種不法揆其  
動靜莫可測度職司切近其地不敢含默理合據  
實密陳連太監侯有之差舍把田邦華解赴永順  
協轉解院憲親訊等情并據永順副將楊凱差兵  
同舍把等將淨身人侯有之押解到臣隨經密發

兩司會詢確供去後茲據該司等詢據侯有之供  
稱小的等被割之人共有三十二箇那龍鳳樓景  
陽鐘玉帶河月宮橋住房九重廳房五重都是實  
的觀星臺在衙門傍邊有一姓徐的是荊州人時  
常同司主上臺去看星兵馬數目我不知道有一  
二百座礮并有鳥鎗兵器盔甲等供回報前來臣  
查土司田旻如從前僭越狂暴過惡多端蒙

皇上洪恩寬貸據伊自稱遵革從前積習倘雍正七年  
十二月以後有不奉公守法靜聽叅處等語今忠  
崗土司田光祖所詳旻如種種狂妄雖係已往之



事但奉

恩宥之後將淨身之人仍復留用竝違制各項不卽改  
除旣據忠崗土司詳解前來難以姑息臣現在批  
司速飭旻如將淨身之三十餘人追出給親完聚  
竝勒令將違制僭越之處立卽改除仰體

皇仁開其自新之路倘敢抗違臣另具摺請

旨所有現在情由合先奏

聞謹

奏

此事若言已奏聞於朕則國法不容稍緩矣另有命大

學士密傳之旨汝其遵奉施行可也

同日又

奏爲恭謝

天恩併陳下悃事雍正八年四月十二日臣准部咨內  
開武昌守道徐聚倫因武昌廠稅一事揭詳緣由  
到臣跪讀

諭旨仰見

皇上至聖至明燭照隱微聚倫之肺肝一一  
洞鑒而微臣之被誣得以自白重荷  
天恩感深欲泣伏念臣猥以菲材蒙我

殊批諭旨

下

三

邁

柱



皇上不次拔擢昇以封疆重任一切事宜竭蹶辦理惟  
有據實秉公不敢稍存一毫欺飾之念至於大小  
屬員賢愚不一難得全備之人故凡有一善則加  
以獎勵有一過則爲之訓飭竝不以私意爲愛憎  
但受教者能自改悔而不肖者未免心懷怨懟如  
徐聚倫任性妄作不循規矩臣屢經面爲教導諭  
以監司大員狂放之性氣不可縱浩蕩之

君恩不可負望其成全者意甚備至詎彼面雖唯諾而  
含怨蓄怒橫肆誣讎計圖中傷且指臣爲深險今  
已蒙

皇上日月照臨臣心迹已明無庸贅辯惟是臣身任總  
督不能約束屬吏感化愚頑致有徐聚倫敢以妄  
聞誕不經之詞上干

天聽煩瀆

聖心臣實自愧自恥寤寐難安謹繕摺恭謝

天恩竝陳下悃仰祈

睿鑒至徐聚倫所詳張淑郡重戕收稅一案臣批兩司

會訊竝無婪贓入己實據臣恐有隱匿之情兩次

駁行嚴審詳參尚未定案今遵

旨俟費金吾到任後確審會

硃批諭旨

下

毛

邁

柱



題再武昌稅務臣於上年十二月恐張淑郡辦理不善已另委漢陽府知府封元震接管

題明在案合併陳明謹

奏

張淑郡官聲原屬平常卽無婪贓款蹟亦當另委更替  
聖心雍正八年五月十一日湖廣總督臣邁柱謹

奏爲奏

聞事竊臣前奏二麥收成分數摺內聲明湖南收麥情由未經遵照分晰行令逐細開報去後今據湖南布政使楊永斌開報二麥收成山鄉素不產麥岳

州常德澧州三府州間有種麥之處岳州府屬收成六分者十之四五分者十之六常德府屬七分者十之三六分者十之三五分者十之四澧州七分者十之五六分者十之三五分者十之二各府屬米價每石中米七錢二三分起至八錢不等上  
米八錢四五分起至九錢一兩不等黃豆七錢四  
五分起至八九錢不等大麥五錢四五分起至六錢不等小麥八錢四五分起至九錢不等自正月  
至四月各府屬雨水霑足三四月之交雨水稍多  
衡永寶辰順郴靖等府州田地高阜雨水愈多愈



好惟岳州常德澧州長沙四府州所屬內間有地  
處低窪不宜久雨而目下已值晴明禾苗尚未大  
礙理合具

奏伏祈

睿鑒謹

奏

覽

新補安陸府知府談九敘因其前在府任七年無過所  
以用來但觀其才具似屬平常可留心試看果否優劣  
何如具奏以聞

同日又

奏爲恭繳

御批奏摺事竊臣前

奏棍徒龍瑄假冒王差一摺奉

皇上硃批怡親王寧有此事棍徒假冒何疑速宜嚴拏  
審究京城更有夥黨爲伊線索亦未可知逐一徹底  
詰訊明白具奏以聞欽此今此案已經撫臣趙弘恩  
審明招擬具

題所有

硃批原摺并另摺共三件理合附便恭繳伏祈

硃批諭旨

下

完

萬

柱



睿鑒謹

奏

此案假冒情由已據趙弘恩審明題到矣

雍正八年九月初六日湖廣總督臣邁柱謹

奏爲請

旨事竊臣聞江南河東等省偶有被水之處已蒙

皇上發粟蠲租凡爲民生計者無不周備然

皇恩有加無已將來隣省或有買米減糶之事臣思楚

地與豫省接壤而江南一帶長江可以順流而下

況楚省南北積穀甚多正在豫籌出陳易新之法

臣見本年南北兩省早晚二稻高下俱獲豐收擬

於此時先在湖北藩庫借支商捐竝耗羨公項內

酌量動銀五萬兩遴委賢員分往所屬最熟價平

之處糶買新穀收貯俟隣省需米平糶卽令彼省

委員來楚照依楚省原買價費先儘倉貯之穀交

奏買運回以濟民食仍將新穀補倉價銀還項如此

則隣省無貴糶之虞而楚省又得出陳之益事屬

兩便倘隣省不用則所買之穀留爲楚省來春青

麥黃不接之時照價平糶於民有濟但臣愚見未知

皇上當否伏請 聖裁

殊批諭旨

下

三

邁柱



皇上訓旨以便遵行謹

奏

據奏預糴新穀收貯候另有諭旨

雍正八年十月初九日湖廣總督臣邁柱謹

奏為奏明事雍正八年十月初八日臣准提臣岳超

龍咨准貴州提臣咨移飛調楚省官兵一千五百

名前往貴州鎮遠古州彈壓今於湖北司局迅取

火藥六千觔鉛彈三千觔解赴行營應用等因臣

即密行布政司照數給發委員星飛運送外臣查

湖南地方緊接黔省今撫臣趙弘恩現在遠出安

設六里塘汛所有赴黔兵馬一切供億督撫俱相

離寫遠文移往返恐致遲誤且長沙重地亦需大

員彈壓臣一面束裝減從以查勘岳常一帶堤埝

趙弘恩現經遠出此行是為由親往長沙就近調度理合

奏明再查湖北地方今年收成豐足民生樂業安靜

無事新任撫臣魏廷珍與臣共事三月見其辦事

遲鈍雖乏肆應果斷之才然為人謹飭現今地方

寧謐尚堪料理合併陳明伏祈

皇上睿鑒謹

奏

殊批諭旨

下

三

萬

柱



魏廷珍非乏肆應之才不肯致身爲國耳將汝奏并朕批諭於旋任時令伊知之

雍正八年十一月二十九日湖廣總督臣邁柱謹

奏爲微臣戀

主情殷恭請

陛見以抒愚悃事竊臣一介庸愚荷蒙

皇上隆恩不次超擢畀以總督重任當楚省吏治疲玩之後地方被潦之餘雖竭蹶駑駘愧無裨補顧念三年以來一切事務俱蒙

皇上訓誨指示而久離

闕廷臣犬馬戀

主之心日深日切且地方情形有不能盡抒於章摺之間必須面爲陳奏者伏乞

皇上鑒臣微誠

允臣所請於來春二月容臣星馳赴京一覲

天顏恭承

聖訓臣曷勝懇切待

命之至謹

奏

汝且不必來京俟地方大員得人時方可魏廷珍朕實



信伊不及到此任後觀其如何奉職莅事始驗其居心之處耳

同日又

奏竊臣自長沙回署聞山東河南被水之民因楚米價平有攜挈眷口來至武昌漢口就食者臣現行署布政司確查人口數目每日給米一升小口五合膳至來春和暖再行資給口糧盤費送回原籍復業所有盤費銀兩容臣等酌量捐給其需用米石俱於臣養廉銀買穀八千石之內動支正在繕摺間又據黃州府稟報豫省饑民挈眷流入麻

城黃安羅田等縣而麻城鄉間尤多等情臣立即行司委員運穀前往各該縣按口賑恤俟來春一體咨送回籍或有續到者亦俱賑恤資送并一面寄信與河東督臣田文鏡外臣現在實力辦理不敢上煩

聖慮理合

奏明伏祈

皇上睿鑒謹

奏

覽奏就食災黎須加意撫卹務令得霑實惠不可徒托

殊批諭旨

下

三

邁柱



空言竭力勉之或竟動撥倉糧或那公項辦理一面速行一面奏聞

雍正八年十二月二十六日湖廣總督臣邁柱湖南巡撫臣趙弘恩謹

奏爲請

旨事竊照洞庭一湖綿亙八百餘里自岳州出湖以君山爲標準一望杳渺橫無際涯而舵桿洲居西湖之中去湖之四岸或百餘里或二百餘里行舟至此倘遇風濤陡作無地停泊亦無從拯救聽其傾覆昔人曾經創議欲於此處建築石臺使商旅船

隻遇風遇夜可以灣泊奈此洲有名無體須從水內立基工大費鉅事不果行今臣因往長沙自岳渡湖悉其情形復又採訪輿論咸謂此工得成則一歲之中全活生命不可數計垂諸久遠利濟無窮臣隨與趙弘恩面爲酌議伏思我

皇上御極以來本天地好生之德建亙古未有之功凡於民生有益者在在

加恩今舵桿洲石臺工程實於民生有益臣等知之旣確敢不上

聞業經委令衡永郴道許登瀛勘估須磊石爲堤南北



兩面形同偃月長九十六丈寬三十丈高六丈仿  
照江南水櫃之法下用長二丈之松椿密排需櫃  
三十層外用石條靠櫃砌護五層每層高一丈二  
尺用米汁油灰合縫其接縫處用鐵錠接連成片  
以期永久約計估銀二十萬兩可以竣事所需銀  
兩或照營田之例開捐應用或將鹽商每年報捐  
銀內動支俟工竣之日核實用過數目請銷統祈

皇上睿裁倘蒙

俞允并乞

皇上特降諭旨或令臣等具題均候

聖恩批示遵行謹

奏

築臺之議候旨遵行

雍正九年二月初六日湖廣總督臣邁柱謹

奏爲請

旨事竊照湖南醴陵桂東等十二州縣礦山經撫臣趙  
弘恩

奏准創試現今撫臣委令衡永郴道許登瀛總理開  
採臣恐聚集人稠姦良混雜密飭地方武員稽查  
防範茲據道員許登瀛具詳桂東居楚極邊與粵



省連界粵省窮民流入聚集地方滋事又米糧出產無幾恐價貴有妨民食等語臣現在批行藩司查議尚未覆到惟是桂東如此則貼近黔省之州縣可知目今黔省稿坪兇苗不法准到雲貴督臣鄂爾泰咨會派兵協剿又黔省古州苗寨尚在用兵臣愚以爲湖南接壤貴州開礦似宜暫停俟黔苗撫剿寧帖之後始行創試庶幾有益無患如果臣言可採仰乞

皇上密諭撫臣遵照爲此謹

奏

所奏是另有諭旨矣

同日又

奏爲覆奏事竊臣前奏親往湖南摺內附陳撫臣魏廷珍辦事遲鈍緣由蒙

皇上硃批魏廷珍非無才也不肯致身爲國耳將汝奏并朕批諭於旋任時令伊知之欽此今臣恭請陛見摺內復蒙

硃批汝且不必來京俟地方大員得人時方可魏廷珍朕實信伊不及到此任後觀其如何奉職莅事始驗其居心之處耳欽此臣數月以來細觀撫臣之爲人

硃批諭旨

下

三

邁柱



其行事性情偏執又復多疑一切案件往往瑣屑駁查遲久不結以致公務叢脞且地方事宜稍涉關係於己者竝不擔當如山東等省饑民至楚時臣正在湖南是以司道稟知撫臣作何賑恤撫臣只云任他去罷不置一策迨臣回至岳州聞知其事即於舟次飛行布政司速加賑濟今又蒙

皇上恩諭留養并給資送回原籍幸獲安全撫臣之居心處事大率類此臣相晤時亦嘗規勸仍復漠然

臣謹據實奏

聞謹

奏

汝既與共事一方再加推誠勸勉看

皇恩同日又

奏爲奏請試用武員事竊照楚省先蒙

皇上敕發試用武職人員今陸續已經委用

題補現無候試之人目今正需調遣仰懇

皇上揀發遊守各十員交臣委試以資臂指之用於地方營伍實有裨益伏祈

睿鑒謹

奏

殊批諭旨

下

三

邁

柱



候另旨諭部

雍正九年三月二十一日湖廣總督臣邁柱謹

奏爲請

旨事竊照前署督臣傅敏條奏禁止漢民與苗人結親已經部覆准行在案原因漢土攸分恐其姻親往來勾引生事亦防微杜漸之意今永順桑植保靖三土司地方已蒙

皇恩改土設流一府四縣布置周備卽與中土無異白當聽其與兵民彼此結姻俾苗女嫁入民家可以習知事親敬長相夫治家之道民女嫁入苗家可

聖慈以化導伯叔妯娌薰陶敦睦之風不便仍以蠻苗以外之臣不揣愚昧以爲土苗地方未經歸流者仍遵例禁止外所有永順一府四縣請弛結姻之禁皇上似於新闢苗疆有益是否可採伏乞

皇上訓示遵行謹

奏

具疏題請遵旨施行

同日又

奏竊照六里頑苗於康熙四十九年勦撫之後名爲歸順而實梗化如故當時造冊報部應輸雜糧乾

殊批諭旨

下

庚

邁柱



州同知經徵一百二十一石零鳳凰營通判經徵  
七十三石零係該管百戶收納然歷年以來半屬  
空虛率以百戶之口糧抵算或官自捐賠不盡出  
之苗戶今六里新經招撫安設營汛之始雖據辰  
永靖道王柔以徵糧恐滋驚擾代捐七十二石似  
非體制臣思我

皇上至仁育物在在加恩豈惜此一百九十餘石之苗  
糧況永順改流之後已蒙

特恩蠲恤土民歡呼盈野則六里新撫之苗似應仰懇  
聖慈一視同仁

特頒諭旨免徵三年以示

殊恩臣愚昧上陳伏祈

睿鑒謹

奏

所奏是另有諭旨由部頒發具

皇奏竊惟洞庭爲域內第一大湖風浪叵測出其途者  
皇上莫不恐懼咸有戒心今蒙

皇上聖明遠照

特發帑金三十萬兩於湖中舵桿洲建立石臺俾往來

殊批諭旨

下

三

邁柱



舟楫得有避風灣泊之所保全生命此乃開闢以來億萬年未有之舉自我

皇上創之由今而後千萬年不朽之功皆我

皇上成之臣仰承

德意親往相度又行據委理工程道員許登瀛逐一估計現在造冊繪圖覆核具

題至石臺之上臣又添估於東西兩面各建廟宇一所召僧住持又蓋營房二所撥兵居住守護并立高竿二枝日則張旗夜則懸燈使行舟遠望得有指歸又於南北兩面擬造店房數十間使貿易者

居之出賣米薪以資過往商民食物合計所費據冊約費二十一萬餘兩臣飭管工官督率稽查尚可節省以

皇上恩發銀二十萬兩似已敷足除一面分委官員採買木石灰鐵等項豫備整齊俟秋間水落擇日興工外所有微臣辦理緣由理合奏明并繪建築石臺圖式恭呈

御覽謹

奏垂五共

硃批諭旨

下

罕

邁柱



照議行

奏雍正九年四月初一日湖廣總督臣邁柱謹

奏竊照原永順土司彭肇槐之弟彭肇模等竝家口  
應令回江西原籍臣咨兩江督臣飭催肇槐卽速  
遣人迎接并行湖南布政司查催去後因肇模等  
以變賣房產爲詞托故延挨今據布政使楊永斌  
詳明估價八百八十二兩七錢於公項內墊給肇  
模等俟召買有人收價還庫臣并於公項內給賞  
盤費銀一百兩繕給咨牌委官將彭肇模彭肇楷  
彭肇極并妻室子女僕婢及肇模等生母麥氏魯

氏向氏等護送前往江西撫臣轉行安插去訖止  
有肇槐之母樊氏據稱年老不能起程又經咨催  
兩江督臣勒令肇槐作速遣人迎養外所有彭肇  
模等家口起押回籍緣由伏祈

睿鑒謹

奏

起押回籍固是但不可加以嚴迫宜再三訓飭屬員恐  
奉行不善將朕從前之恩施暨肇槐歸向之忠誠俱付  
之流水矣

奏同日又

殊批諭旨

下

聖

邁

柱



奏竊照楚省南北民風刁悍動輒聚眾抗官今據安陸府鍾祥縣詳報該縣武生董建勳連年抗糧通詳褫革羈禁突有利河羅小兩鄉姦民約會抗糧如有私完拆屋罰錢糾眾於三月十六日聚於何家集聲言至城圍署當卽拏獲柳廷柱并聽約同行之胡國士等十名據柳廷柱供報張東周龍定一徐雲臣柳宗堯爲首係董建勳唆撥抗官等情臣卽批司轉飭嚴拏未獲各犯究擬去後隨據報已將張東周等拏獲其迫脅之人俱卽散去臣現行布按二司提犯審擬外理合將刁民脅眾抗糧

已經拏獲首犯情由繕摺奏

聞謹

奏

此等刁惡風習自當一一執法懲究尤貴平日不時訪察化導於早也

同日又

奏竊臣准戶部咨內開欽奉

上諭命湖廣督撫運米十萬石從水運送至商州此項米石應動何處存貯或於米賤之處採買或從荊州等處運至襄陽或竟從襄陽採辦或於南陽府浙川



相近之處採買粟米令邁柱田文鏡魏廷珍會同妥協定議等因到臣查湖北各府州縣分貯在倉有從前截留漕米易穀及襄漕米并動帑採買穀石可以碾米撥運十萬石之數臣一面檄行司道酌派數目星速碾米仍飛咨河東督臣田文鏡詢問南陽浙川有無粟米可以採買價值若干俟其覆到公同定議外臣思河南現需賑濟一經採買必致騰貴恐有不便於豫省今楚省既可足備十萬石之米似可不必另買豫省粟米致費錢糧今現飭各屬碾米陸續運赴襄陽并備船隻伺候載運

至豫但楚米一至浙川卽須盤剝一至商州卽須上倉恐豫省船隻未能猝辦商州倉廩未能速竣時當溪河水漲楚米到彼不便久停疎誤臣一面飛咨豫陝兩省如已齊備卽星速知會以便楚米自襄起程庶無停船守候之慮俟咨覆到楚臣卽親至襄陽調度分派官員押運前行所有現在辦理情由合先具

奏伏祈

睿鑒謹

奏



如此甚好候另有諭旨

雍正九年五月十二日湖廣總督臣邁柱謹

奏爲請

旨事竊照楚省各標協營考拔千把總向係先送提督  
考驗轉送總督覆考拔補微弁往返洞庭大湖不  
無艱難險阻蒙

皇上軫恤鴻恩於雍正六年

特頒諭旨凡湖南營分由提督考拔不必又送總督湖  
北營分徑送總督考拔不必復由提督俾微弁得免  
涉湖之苦莫不感激

聖主曲體之恩惟是岳州城守水師二營雖隸湖南而  
地方實在湖北與武昌接壤今考拔千把總呈送  
提督衙門仍應渡湖而至常德不若武昌之近便  
可否仰邀

皇上一視同仁將此二營改歸總督考補則

聖恩得以均霑臣謹奏請

訓示如蒙

俞允以便另疏具

題謹

奏



具疏奏請可也

雍正九年六月二十九日湖廣總督臣邁柱謹

奏爲楚員仍請留楚補用以備任使事竊臣查有原任江夏縣知縣鄒允煥任楚有年居官勤慎因丁憂服闋現應赴部候選又原任黃岡縣知縣張光裕年力富强才復幹練先因社穀一案被叅去任嗣經審明開復繼因丁艱現在服滿例應赴部另補臣思此二員者習知楚地民情與其用之於別省莫若仰懇

聖慈准留楚省容臣遇有人地相宜之缺

題請補授似有裨益爲此繕摺

奏請伏祈

睿鑒謹

奏

鄒允煥張光裕二員准照該督所請留楚補用該部知道

雍正九年七月十八日湖廣總督臣邁柱謹

奏爲恭報楚省早稻豐收分數米糧價值仰慰

睿懷事竊照楚省南北今歲早禾茂盛雨水勻調經臣

奏先已

硃批諭旨

下

呈

邁

柱



奏明茲催據湖北布政使徐本湖南布政使張燦將  
各屬豐收分數查報前來臣查楚省本年雨水充  
足江湖之水又不甚大是以高低田畝早稻俱有  
收成合計十九八七分不等而十分九分者爲多  
卽沔陽一州素稱水患者查勘亦有九分將來米  
價漸可日減惟長沙數處於五六月間價忽驟昂  
隨動積穀平糶并有新穀登場亦卽平減所有各  
屬早稻收成分數臣謹另摺開呈

御覽謹

奏

全楚早稻收成以手加額覽焉

同日又

奏爲奏

聞事竊查有原任翰林汪應銓者係江南鼎甲前曾經  
過武昌臣未知其人亦未識其面今聞彼在湖南  
停滯據衡永郴道許登瀛云係是伊表兄現留湖  
南修志臣細訪汪應銓乃

聖

祖仁皇帝斥革回籍之人理宜閉戶省愆不應遨遊外

省臣雖未悉應銓從前有何過犯但今現留楚南  
理合奏

硃批諭旨

下

癸

邁柱



聞伏祈

睿鑒謹

奏

汪應銓乃係元年斥革者非有大干功令之處湖南修志亦屬無妨

雍正九年八月十七日湖廣總督臣邁柱登州鎮

總兵臣岳含奇謹

奏為奏

聞事竊照楚省豫備兵丁二千名赴陝一案臣先已欽遵整備候文起程間續蒙

皇上特令登州總兵岳含奇京營叅將邵銓同臣挑選  
籐牌五百名或一千名充入前挑馬兵二千名之  
數今臣等會同於前挑馬兵之內再加挑選出一  
千名又於湖北各鎮標營挑派籐牌兵丁一千名  
共合二千名之數至籐牌一千名之內多有兼善  
鳥鎗者據岳含奇文稱楚省鳥鎗操練精熟抑且  
製造堅利以此調赴軍營必得實用請選鳥鎗五  
百名充入籐牌數內等語現將臣捐製鳥鎗五百  
桿給與籐牌兵丁之兼習鳥鎗者使之兼施互用  
一兵可得兩兵之益至派撥將弁遵照先奉



諭旨派出臣標中軍副將徐啓新遠安營遊擊溫朝宰  
又臣原派興國營叅將高得伏彝陵鎮標遊擊姜  
煊曾併千總八員把總十六員外所有各官兵  
恩賞及幫給銀兩除先經給過備辦軍裝外俟起程之  
日遵

旨從優給領以溥

皇恩其馬步兵丁騎馱馬匹併應支俸餉各項均行司  
道豫爲料理毋誤軍行臣等謹將挑選兵馬已經  
齊備緣由先行具摺奏

聞候

旨起程謹

奏

據奏楚省豫備兵丁已料理整齊甚好知道了

雍正九年九月初八日湖廣總督臣邁柱謹

奏爲恭報楚省中晚二禾豐收分數米糧價值仰慰  
睿懷事竊照楚省南北二麥及早稻豐熟情由經臣節  
次

奏報今中晚二禾又已收穫登場臣行據湖北布政  
使徐本湖南布政使張璨各報豐收分數前來臣  
復細查各屬收數十分豐足者居多米價現今曰

殊批諭旨

下

哭

邁柱



減謹另繕清摺逐一開列恭呈

御覽謹

奏

據報楚省中晚二禾收成分數朕不禁以手加額欣悅覽焉

雍正九年十月十三日湖廣總督臣邁柱謹

奏竊臣接准領侍衛內大臣公豐盛額等寄字內開

雍正九年八月三十日奉

上諭副將冶大雄命往彝陵署理總兵官印務但思杜森之家口現住任所其總兵任內一分養廉恐不敷

兩人家口之用著湖廣總督邁柱酌量通融添給俾兩人俱各足用仍將添給之項奏聞欽此遵

旨寄信前來等因到臣查彝陵總兵官杜森奉

命往川臣准部咨卽行布政司將該鎮應得俸薪等項

照例支給又念杜森備辦軍裝盤費在所必需復

准豫支壬子年春夏兩季俸薪乾銀親丁等項併

此外再於公項內幫給銀四百兩以應該鎮赴川

之用至彝鎮原得養廉俱仍給杜森養贍家口其

署事副將冶大雄亦應給與親丁養廉之費臣酌

擬一年給銀八百兩加以俸乾心紅等項足資所



用此幫給冶大雄養廉銀兩查有武昌廠口岸錢  
一項經臣

奏明聽為管關胥役飯食之用今除給與胥役之外  
尚有盈餘充為公用應於此項之內支給謹遵

旨奏

聞再有鎮筵總兵官周一德奉調為北路之用亦經照

給應得俸薪併豫支壬子年俸乾等項又於公項

周一德之缺朕經有旨命爾選員請補或行委署今所

辦理何乃錯謬至此內幫給銀四百兩其任內養廉儘給該鎮家口至

於署事之副將楊凱等均有本任養廉無庸另增  
合併陳明伏祈

睿鑒謹

奏

覽

同日又

奏竊臣前遣臣子傅延齋摺進京仰請

皇上恩令赴陝於軍營差遣行走恭奉

諭旨留臣任所著實教導以望成人欽此臣跪讀之下

感激涕零仰見

皇上至仁育物不以傅延之駑鈍

命臣著實教導望其成人雖天地之生成未有委曲周

殊批諭旨

下

拜

邁柱



摯至於如此者也臣欽遵

聖訓日夕教導俾傳延用心習學冀得成就以圖報效  
於將來臣謹率傳延望

闕叩首恭謝

天恩伏祈

睿鑒謹

奏

汝子無用之才甚屬庸碌所以令汝著實教導非望其  
將來可以成就也汝竟錯會朕旨洵可謂人莫知其子  
之惡矣

雍正九年十二月初六日湖廣總督臣邁柱謹

奏為請

旨事竊照湖北地方幅員廣濶處處險要需防而額設

各標協營馬兵僅共一千七百六十三名步兵一

萬五千六百五十名今派往陝西馬兵一千名籐

牌兵丁一千名則通省馬兵僅存七百六十餘名

恐不足以資彈壓臣愚以為似宜另募壯健技勇

之人補足馬步二千之數以應操防俟赴陝原兵

凱旋回楚之日遇有事故兵缺陸續開除以符原

額庶地方無汎廣兵單之虞如果臣言可採恭請

硃批諭旨

下

至

邁

柱



皇上特頒諭旨或容臣另疏具

題伏乞

睿鑒批示遵行謹

奏

交辦理軍需大臣議奏

同日又

奏爲奏

聞事竊照江西省行劫道府官署盜犯沈二楊金山二  
名解至楚省楊店地方脫逃一案臣據縣營詳報  
已卽立限勒拏迨奉

嚴綸又復專差員役懸賞各路購捕業於上年十一月  
內在陝西涇陽縣緝獲逃盜楊金山審明脫逃情  
由具疏

題明并將楊金山解赴江西撫臣歸案審擬在案尚  
有沈二一犯臣委員四路追拏今於本年九月二  
十六日在廣東番禺縣地方擒獲經番禺縣審據  
沈二供認行劫江西道府官衙情實現今押解回  
楚除飭司轉解江西收審外所有逸盜沈二楊金  
山二名俱已全獲緣由理合

奏明伏祈

殊批諭旨

下

至

邁

柱



皇上睿鑒謹

奏

朕實代汝愧之逸盜雖經全獲功過何能相抵耶

雍正十年正月十二日湖廣總督臣邁柱謹

奏為恭報楚省得雪情形仰慰

聖懷事竊照楚省地方先據州縣呈報於十二月初八日及十六十七連日得雪臣自襄陽回省於正月初二初三日舟次又連朝遇雪深有尺餘隨即晴和所有冬臘得雪情形相應繕摺奏

聞恭慰

聖懷謹

奏

覽得雪優渥情形深為楚民慶慰

同日又

奏竊照鎮筭總兵官周一德赴京員缺先奉

諭旨於通省總兵內揀選調補或於副將叅將內揀選

委署

命臣一面奏聞一面卽令赴任臣卽會同提臣岳超龍

選得永順協副將楊凱委署鎮印業經

命題奉

硃批諭旨

下

聖

邁

柱



俞旨欽遵在案今查楊凱署印以來於地方營伍諸事  
留心整飭且久任紅苗地方實屬人地相宜况周  
一德業已留京另用則鎮守總兵一缺現在應補  
仰懇

皇上准將楊凱

恩賜補授俾其專心辦理以裨苗疆至所遺永順副將  
員缺有保靖營遊擊王進昌經臣請補荆州營參  
將現今赴部引

見該員久任苗疆熟知土俗情形而居官辦事甚為妥  
宜臣協請即補授永順協副將其荆州營參將一缺臣

聞恭查提標前營遊擊董朝輔歷練老成熟諳營伍以  
之補授則人員各得其宜其董朝輔員缺以候補  
遊擊黃天寅補授臣因要地需材伏請發三四

皇上特頒諭旨或容臣具

題統祈

睿鑒批示謹

奏

所請俱是候另有諭旨

聞今雍正十年二月

奏為恭報楚省雨雪情形米糧價值仰慰

殊批諭旨

下

奏

邁柱



聖懷事竊照湖北臘月喜得連次瑞雪業經臣具摺奏  
聞今據湖南布政使張璨開報自雍正九年十月起至  
本年正月各屬俱得雨雪充足現在上米倉斗每  
石八錢四五分至九錢五六分不等中米每石七  
錢二三分至八錢七八分不等又據湖北布政使  
徐本開報通省自上年十月以來雨雪調勻上米  
倉斗每石九錢至一兩以外不等中米每石八錢  
四五分至九錢五分不等下米每石六錢三四分  
至八錢不等各前來理合具摺奏聞  
聞恭慰

睿懷謹

奏

覽楚省雨雪情形米糧價值朕懷曷勝欣慰

同日又

奏為奏明事竊照楚省北南雖獲連年豐稔米糧價  
平但鄰省搬運甚多皆緣富商大戶牟利之徒任  
意私販廣為囤積是以每年三四月間楚省因販  
多而價長鄰省因囤積而更昂壟斷罔利民受其  
困今查漢口地方自去年十一月至本年二月初  
旬外販米船已有四百餘號而鹽商巨艘裝運者



尤不可以數計目下米價已漸增加倘至青黃不接之時必甚昂貴楚價一長則鄰省之貴可以類推臣以民食攸關亟宜豫計伏查雍正元年欽奉上諭凡鄰封郡邑偶遇荒歉卽相拯恤毋得各分疆界漠不相關其所當禁者富戶規利販米動盈千萬該督撫提鎮當著實嚴查禁止欽遵在案是鹽船夾帶以及販戶囤積之米亟應暫停至於鄰省或有需米平糶臣一面移咨江省卽速委員齎價來楚將南北倉貯常平襄漕等米可得一二十萬石運回平糶楚省秋收買補每穀一石不過三錢以外至

四錢爲準倘鄰省不用卽在本省青黃不接時減糶於民有益如此則囤積病民之弊可杜而楚省與鄰省之民均無食貴之虞是否有當伏乞

睿鑒謹

奏

如是辦理可謂酌劑合宜一舉而兩得也

奏同日又

奏竊臣前因鎮臣岳含奇極言楚省烏鎗精利經臣將製就之鎗五百桿交付帶往後又照式再造五百桿并備九龍袋藥箭各五百副星夜告竣現在



委員給與路費於本月十六日起程解赴涼州軍  
前應用理合奏

聞謹

奏

工欲善其事必先利其器此舉是嘉悅覽之

雍正十年三月二十一日湖廣總督臣邁柱湖廣

提督臣岳超龍謹

奏為請

旨事竊查楚省水師七營於雍正六年蒙

皇上命選閩省熟練兵丁五十名至楚教習續經臣岳

超龍請

旨又發五十名連前共一百名分發各營安插按給糧

餉勤加訓練迄今已經三載各營水兵凡往來進

退及行使撐駕之法據各將備俱稱傳授精熟又

經臣等各加試驗相符現據洞庭協詳據閩兵徐

申等呈稱申等奉撥至楚教習水務今已純熟得

奏法無可再加指撥之處乞發回閩仍歸原伍報效

等情前來臣等伏查楚省水師兵丁既已熟習從

命下此可以自相傳授所有原撥閩兵似可仍回閩省

各歸原伍仰請

硃批諭旨

下

五

萬

柱



皇上睿裁俟

命下之日於公項內酌給路費委員護送回閩合併陳

明謹

奏

該省水師既稱學習熟諳閩兵自應仍歸原伍照所請  
發回可也

雍正十年四月二十六日湖廣總督臣邁柱謹

奏為請留任事能員以收勸墾實效事竊臣現准部  
咨內開湖廣巡察歸宣光以鄖襄兩府開墾荒地  
等因具奏奉

旨歸宣光所奏著交與該督撫揀選賢能官員勸導民  
人實力開墾務使田疇日闢地無棄利以惠楚民欽  
此臣即會同撫臣現在欽遵奉行外伏查鄖襄二  
郡距省遙遠雖墾荒之責在於守令而朝夕提撕  
就近督察則鄖襄道一官尤為緊要該道趙之均  
先以荆關加耗經臣疏叅審明具

題現在候

旨或蒙

皇上恩念功勳之後不加重譴而之均生於世祿之家  
未悉閭閻之事恐不能勝鄖襄重任亦應量材別

殊批諭旨

下

庚

邁柱



用臣再四思維有原任襄陽知府尹會一經臣遵旨請補江南揚州府知府因留辦赴陝兵丁軍需現在交代未赴新任該員任襄數載頗得民情且任內以勸墾會邀議敘以之補授鄖襄道缺洵屬相宜臣因勸墾需員冒昧陳請可否伏候

聖裁如蒙

俞允其揚州府缺臣於楚省選擇未得勝任之人恭懇皇上另賜簡補庶要地均有裨益矣謹

奏

揚州府任甚屬緊要命尹會一交代事畢速赴母遲

同日又

奏為請

旨事竊照湖南所屬武岡一州路達滇黔川廣地雜苗猺素稱難治知州非強幹勤練之員未足勝任今現任葉居仁因患病詳請回籍調理業經撫臣會題在案所遺員缺臣查現任湖北嘉魚縣知縣王邦鼐經臣歷試其才守俱優且稽查地方善於弭盜以之補授武岡州知州人地相稱其嘉魚縣亦係繁難之缺且境內隄埝甚屬緊要查有張其維係由舉人候選知縣奉



命發楚辦理水利事務委修蒲圻縣隄墪依限報竣又  
委試京山縣并安陸通判事務去冬部咨行臣辦  
鉛十萬斤解往甘肅臣委該員領解刻期無誤且  
十萬斤之外餘鉛千餘斤逐一交足脚費又復節  
省允稱實心辦事之員以之補授嘉魚縣知縣必  
能勝任相應請

旨或允臣具題或

特降諭旨統祈

皇上睿鑒施行謹

奏

候另有諭旨

同日又

奏爲奏

聞事竊照前任湖北革職撫臣鄭任鑰奉

旨著出銀二三萬兩修理湖廣隄岸任鑰已於修隄案

內先繳銀一萬三千四百餘兩尚有應補湖南公

項九百九十九兩零亦經續繳完庫又任鑰應追

擅動耗羨銀四千八百餘兩今俱節次通完訖所

有鄭任鑰各項追完緣由相應奏

聞再查修隄案內雖部議楚省再有應修工程仍於鄭



任鑰名下追繳等語但查任鑰修隄及追補耗羨合計已及二萬之數訪其居官尚無穢蹟今各項措置通完似無餘力臣查雍正七年欽奉俞旨凡官員居官聲名不好有負任使者間令於該地方工程效力以示懲儆非其人犯罪甚重籍沒家貲者比也督撫應審度伊等之力量分別辦理等因欽遵在案今鄭任鑰可否准令回籍

恩出

聖裁伏乞

皇上批示遵行謹

奏

鄭任鑰准令回籍卽一面咨明該部存案

雍正十年五月二十二日湖廣總督臣邁柱謹

奏爲據實密摺奏

聞事竊臣荷蒙

聖恩畀以總督重任凜遵

訓諭自蒞任以來疊行各鎮協營整飭行伍餉無虛冒

諄切誠諭竝復委員查驗詎意提標五營猶有存

留空糧冒支冒銷情弊經臣先已訪聞一時未得

確實是以未敢奏

殊批諭旨

下

空

邁

柱



聞嗣因臣

奏請補授提標前營遊擊黃天寅赴任臣復諄諄面諭密令將營中一切兵馬錢糧器械等項據實查報去後今據遊擊黃天寅稟稱於三月初二日到任守備呈繳隨丁糧餉除應領十五名外實多出五名又紙劄餉一名其所多糧餉存留內署不敢擅支細查五營莫不皆然合將職營空糧數目開報提督馬糧一名戰糧三名紙劄戰糧二名遊擊戰糧五名紙劄戰糧一名守備戰糧二名守糧一名紙劄戰糧一名千把總各戰糧一名又貼中營

紙劄戰糧一名共計二十三名等情又據該遊擊稟稱點驗本營兵丁除前報空糧二十三名之外又有一十七名係有名無人糧餉當飭查考補旋據該備呈報自雍正七年春季起將營中退伍兵丁空糧或存留一月或存留數月甚或存留年餘久不開報名曰小費以供支用之項衆皆同然至於公費名糧一十二分既未辦理營務其作何開銷之處行查該備竟不回覆詢據經識稟稱此項公費銀兩俱係中營扣出留作提督取用仍委守備輪管支銷所以不敢稟請賬目以致無案可稽

硃批諭旨

下

空

邁柱



等語再查雍正六年出師貴州有領買馱馬銀一千二百兩除買馬八十匹用過銀六百六十七兩零又於雍正八九年報倒未滿椿馬一十四匹代兵賠過銀一百一十二兩下剩銀四百二十兩零該備將此項銀兩借貸官兵止存銀一百一十兩零所借銀兩至今尚未清還除將前項存留各空糧回明提督現在陸續報補竝將公費修理甲械其借出馱馬銀兩一一清還外合將查明緣由據實稟覆等情到臣伏思提督一官統轄全省應宜正己率屬廉潔自矢庶期無負

聖恩今提臣岳超龍如此虛兵冒餉有干

功令臣不敢壅於上

聞謹據實密摺請

旨可否容其募補實伍抑或卽行疏叅伏候

皇上訓示遵行謹

奏

飭令岳超龍將空糧速行募補仍嚴加訓誡以杜將來

雍正十年七月初四日湖廣總督臣邁柱謹

奏爲恭報早稻收成分數米糧價值仰慰

睿懷事竊照楚省早稻分數米糧價值經臣先行北南



布政司確查詳報去後今據湖北布政使徐本湖  
南布政使張瓌開報前來查湖北武昌漢陽黃州  
安陸德安荊州襄陽鄖陽等府及歸州各所屬收  
成自十分九分以至八分七分不等米價每石自  
六錢三分起至七八九錢不等湖南長沙衡州永  
州寶慶岳州常德辰州永順等府并澧郴靖等州  
各所屬收成自十分九分以至八分七分不等米  
價每石上米自七錢一二分起至八錢不等中米  
自六錢一二分起至七錢不等所有各屬早稻收  
成細數臣謹另摺分晰恭呈

聖鑒外再查楚省北南地方晚禾亦甚暢茂濱江大隄  
俱各穩固惟於閏五月十一二等日襄水陡漲漢  
川潛江天門沔陽江陵監利等州縣支河民隄間  
有瀰漫衝潰之處然旋即水退已經如式搶築完  
固其稍被水淹地方二麥已登早稻亦已收穫臣  
仍查明實在窮民捐穀軫恤令其補種晚禾雜糧  
秋收有望恐塵臣

聖懷合併奏  
聞謹 同日又

奏

硃批諭旨

下

六

邁

柱



全楚早稻收成及米價平減情形以手加額覽之

同日又

奏爲楚北丁銀掛欠無幾據實陳明仰祈

睿鑒事雍正十年六月二十二日臣接准大學士伯鄂爾泰等奏摺內開湖北巡撫王士俊奏稱丁隨糧派一案臣等原議將新報陞科之糧銀抵算並非以新陞之丁銀攤減王士俊錯會原議乃以陞科丁銀與更名地畝丁銀攤減遂覺減免無期不知以陞科糧銀與更明地畝丁銀抵算正自減免有日就新報糧銀於鍾祥等增丁千兩以外之縣先

行裁減便覺輕省自永無苦樂不均之累應令仍照臣等原議行至更名地畝加丁銀兩應令密飭鍾祥等縣少緩催比於奏銷時聲明將該縣考成從寬酌議至按察使唐繼祖奏稱拏獲張東周復有姦黨聚衆其鍾祥令王世經因循柔懦俟此案結後另行查報嚴叅所見亦是俟該督撫叅奏到日交部嚴加議處等因密議具奏奉

旨依議欽此鈔寄到臣伏查張東周等聚衆抗糧一案

命業已經具

題其王世經俟案結另叅并密札撫臣王士俊欽遵



外竊臣奉

命兼理錢糧事務敢不仰體

皇仁細察民隱臣查丁隨糧派原屬公平至當之法此山東直隸等省皆然臣於江西亦然故臣於楚北一省循例請行兩年以來無田者免累田多者樂輸行之頗有成效未聞有人含怨卽鍾祥縣三十餘鄉亦各完納無異惟羅小利河兩鄉二三土棍張東周等藉均田之隙以減賦爲詞鼓衆抗糧乃撫臣王士俊初到湖北未悉民情因二三土棍抗阻之案遂倡立己見謂丁銀不宜通省均攤請歸

各州縣隨田完納等因具奏奉聖旨五十八兩半議殊批與督臣商酌題請欽此臣前已縷悉直陳業經閣

臣議覆未便因土棍抗糧頓爲更改奉聖旨

旨依議欽遵在案今撫臣將閣臣原議新報陞科之糧銀抵算更名地畝丁銀之處不悉心詳繹乃以陞科丁銀與更名地畝丁銀攤減遂以減免無期錯會具奏復經閣臣奏明已在全聖旨

皇上睿鑒之中臣不復贅陳惟是撫臣奏稱加派之丁銀掛欠纍纍加丁之州縣人人含怨而鍾祥五邑重累更甚等語夫花戶掛欠內多田糧非止掛欠



丁銀而撫臣獨指丁銀掛欠纍纍是未完銀兩不  
分田糧丁銀俱作增丁未完之數甚屬含糊且江  
夏等十九州縣自加丁以來嘉魚漢川等一十三  
縣雍正七八九年地丁銀兩全數通完竝無掛欠  
分釐其未完之沔陽鍾祥等六州縣向來俗敝民  
頑掛欠錢糧非因加丁重累所致今撫臣不論民  
言外之淳頑不察官之勤惰以均丁良法爲強加以抗  
糧聚衆爲重累以通省民情樂輸爲人人含怨臣  
和批實不解再查通省更名田糧一十四萬六千餘兩  
共派丁銀一萬八千餘兩現有雍正七八兩年新

報陞科糧銀七千七百六十餘兩遵照閣臣原議  
於鍾祥等增銀千兩以外之縣先行裁減造冊送  
部外至閣臣議令更名地畝加丁銀兩密飭鍾祥  
等縣少緩催比之處臣查未完錢糧州縣惟沔陽  
一州雍正七八九年錢糧雖共有未完銀三萬一  
千一百餘兩未完錢糧民賦居多實緣該州地處  
低窪從前收成歉薄民力維艱雍正八年內已蒙  
皇上軫念民瘼將十年民欠

特旨蠲免其地方貧疲久在

聖鑒之中非更名地畝增有丁銀之所致也應請毋庸

硃批諭旨

下

卷七

邁

柱



飭令緩徵至鍾祥縣雍正八九兩年尚有未完銀三千二百六十兩江陵縣未完銀九百一十餘兩江夏縣未完銀一千一百餘兩漢陽縣未完銀七百九十餘兩俱係零星尾欠約計每戶丁銀多則錢許少則分釐不等竝無掛欠纍纍亦無庸飭緩於雍正十年錢糧本年二麥早稻俱已豐收中晚禾亦皆吐穗將近收穫民間輸納亦易爲力更無庸飭緩催比可否伏乞

皇上命閣臣議覆遵行臣本從甦累便民起見若果民情稍有不便又何敢屢瀆

聖聰伏祈

睿鑒謹

奏

將閣臣議覆之摺一併發來矣汝其詳加體察酌量行之

雍正十年八月二十五日湖廣總督臣邁柱謹

奏爲請

旨事竊惟我

皇上恩待臣下無遠弗屆滿漢文武視爲一體重祿常俸之外文職賞給養廉銀兩武職賞給親丁糧餉



普被

皇上參養深仁百爾臣工感激歡忭臣受

恩深重地方稍有見聞未敢緘默今查駐防荊州將軍  
僅有親丁糧餉六名左右兩翼副都統各有二十  
名多寡懸殊臣從前無由而知昨因將軍臣吳納  
哈奉

命進京一時盤費無措艱於就道臣詢及養廉一項始

知將軍親丁食糧名數不及副都統三分之一臣  
隨代為雇備騾頭資給路費吳納哈方得束裝起  
程竊思將軍大吏統轄駐防八旗官兵閱操犒賞

一切應酬用度較多未免需用不敷臣仰體

皇上恩賜羣臣養廉俾令足用至意謹擬於存公銀內  
每年酌給銀一千兩以補不敷之需可否出自

聖恩如蒙

俞允伏祈

皇上特頒

諭旨遵行謹

奏

所請可行祈朕特頒諭旨何其鄙小之至

奏同日又

硃批諭旨

下

堯

邁

柱



奏爲遵

旨查覆事雍正十年閏五月初六日准大學士鄂爾泰  
張廷玉蔣廷錫字寄雍正十年五月十七日奉  
上諭據黃廷桂所奏劉瑞柏丁容度出首伊主車鼎立  
各件顯係劉瑞柏等背主潛逃捏詞誣陷竝非車鼎  
立有叛逆實據也至供詞內稱車鼎立私藏呂留良  
家訓評語及車鼎豐等所做土因集等語查呂留良  
家訓評語中竝無悖逆之言外間刻本甚多至於土  
因集乃本朝初年沈姓所作京中現有刻本亦非車  
鼎豐等之筆也口稱舛錯如此則其假僞可知爾等

可將各件寄與邁柱閱看著邁柱留心訪察車鼎立  
周郅生李端友等平日爲人何如若果係生事狂逆  
之人則當查其收藏書籍以懲不法若平日本無狂  
悖劣行則未可以其爲車鼎豐之堂兄遂聽逃奴誣  
陷之詞刻意吹求使之罹於重譴累及身家也欽此  
寄字并鈔錄四川督臣奏摺劉瑞柏等供摺并各  
件到臣密訪車鼎立痴愚羸弱不甚通文藝伊  
父車萬備曾任江南淮安府沐陽縣知縣七十歲  
生鼎立十一歲父歿遺有莊田資財交家人丁容  
度劉瑞柏二人之父掌管甚是忠誠迨其父歿卽



丁容度劉瑞柏接管而鼎立惟此二人是任雖至親嫡族無款洽周卹之誼詎丁劉二僕不能克肖其父誑騙鼎立經營以及年收糧食大半飽諸私蠹任意花銷丁容度誘令鼎立埋銀於後園旋往偷挖入己挈眷二十四口同劉瑞柏之兄劉瑞章七口逃往四川鼎立平日不得於親族獨立無助無從查察追尋惟造明逃口冊呈縣存案因究及劉瑞柏歷年經手糧食盜賣亦多經營資本盡歸烏有而瑞柏亦同其子逃避鼎立將瑞柏妻與媳孫女四口呈縣拘回家中瑞柏卽造一謗紙令人

投諸鼎立意欲挾制其妻出家口而去鼎立隨將此謗紙呈府飭縣拏獲瑞柏父子枷責交主服役而劉瑞柏又逃至四川同先逃之丁容度在川首報委係背主潛逃捏詞誣陷已蒙

皇上日月之明洞察隱微又訪周郅生卽生員周任生在鄉安分讀書從無劣行李端友原籍蘇州吳縣隨父貿易湘潭縣貧不能歸遂家於此教書餬口亦無劣跡至劉瑞柏等在川省供報車鼎立做未燒集李端友做自欺集其中有無悖逆之詞周任生果否受寄呂留良逆書臣無由而知因委荊州



道高起前往湖南會同衡永郴道許登瀛再加密訪竝令轉諭地方官查取前項書集去後今據該道等稟稱訪得車鼎立爲人鄙吝乃一癆損病軀周任生李端友皆守分書生諭令寶慶府出其不意至鼎立家細查書籍獲有未燒集一本乃車鼎立少年所作時文又有偶錄一本據鼎立供內有鈔錄李端友所作自欺集內詩文數十篇詢問所寄藏呂書據供呂留良家訓與評語原有此書雖無悖逆之語聞此書亦不可留久經燒燬無存土因集竝未見過此外竝無他書寄藏據供被丁容

度劉瑞柏二僕拐逃之事府縣俱有審案與臣所訪無異又令邵陽縣到周任生家細查竝無藏匿呂書訊之周任生與車鼎立供同該道等又到湘潭委員至李端友家查獲自欺集一本欺人集一本皆端友平日所作詩文竝無悖逆之語隨令長沙府取具端友親供在案臣查車鼎立等旣無生事悖逆劣行亦無寄藏呂留良之書經府縣各官竝族鄰地保出具印甘各結存案外所有背主拐逃捏詞誣陷之惡僕劉瑞柏等應行令四川督臣查明男婦口數遞解湖南撫臣按律究擬以昭法



紀統祈

皇上睿鑒訓示欽遵施行再車鼎立等所作詩文并各字札口供另送閣臣查核訖合併陳明謹

奏

照所奏結案可也

同日又

奏爲奏明事竊照上年挑選楚兵二千名前往涼州

駐劄經臣恭疏

題報在案本年五月內楚兵移駐巴爾庫爾軍營各兵丁家口在楚聞信僉謂從前帶去鞣鞋已歷半

載今又出口不無穿破非比別項軍裝可以就地製辦各丁家口做備合脚綿鞣鞋三雙由各營將備彙解到省臣因鞣鞋一項於衝鋒禦敵之際兵丁藉以利便勇往且口外尤當多備臣隨動用口岸節省銀兩雇備騾隻馱載委員解赴軍前分給各兵以資征防理合繕摺

奏明伏祈

睿鑒謹

奏

向後有類斯資助兵丁之舉當預爲奏請得日後再行

硃批諭旨

下

三

邁

柱



此番辦理雖屬可嘉但出塞兵丁不止湖廣一營楚兵數僅二千自易於製辦別省士卒同在行間倘心生欣羨亦欲效尤所關甚鉅是可謂行小惠而未計及大要也

雍正十年十一月初九日湖廣總督臣邁柱謹

奏爲奏

聞事竊照湖北學臣凌如煥爲人誠實矢志清廉自到任考試以來關防慎密從公取士廉明公正之頌不絕棚場道路之口今三年期滿復

命在邇雖學政清廉分所當然但士子咸深受戴與臣

訪聞無異臣未敢緘默相應繕摺奏

聞伏祈

皇上睿鑒謹

奏

有旨將凌如煥再留三年矣其人甚聰明曩日行止頗欠端方若肯洗心向上原係可用之才據奏果如此勉勵朕深幸得人

同日又

奏爲奏請揀發武員事竊照上年五月內蒙

皇上敕發張照管之經薛璠王清黃天寅徐有文等交

硃批諭旨

下

齒

邁

柱



皇上臣以遊擊用欽此臣於各員到楚後酌其人地相  
宜者已經陸續

題補現無候試之員將來遊擊缺出乏人委用仰懇  
皇上於候補遊擊內揀發五員交臣委試以資臂指之  
用於地方營伍實有裨益伏祈

睿鑒謹

奏

兵部議奏

同日又

奏爲請留因公呈誤之能員以備任使事竊照原任

孝感縣知縣張鍾秀因少差解役疎脫行劫江西  
官署盜犯沈二楊金山一案經臣

題叅部議降一級調用仍留地方協緝後因一年限  
滿只獲楊金山一犯復經部議照例降二級調用  
今沈二一犯亦已拏獲俱經解赴江西收審其限  
年緝拏之案現准部咨註銷在案則該員例應赴  
部另補臣查張鍾秀在任二年有餘聽斷明敏催  
科不擾而且民情風土尤所熟悉似此能員因公  
降調殊爲可惜仰懇

聖主格外洪恩准將張鍾秀交臣仍以知縣委用三年



無過准其實授則較之初任學習者固屬諳練而該員得以照舊供職自當益圖報效矣臣仰體聖心愛惜人才起見冒昧陳請伏乞

皇上批示遵行謹

奏

照所請行該部知道

雍正十年十二月十七日湖廣總督臣邁柱謹

奏爲奏明暫停捐納事例以平米價以濟民食事竊

照北南兩湖連年豐熟本年收穫之時米價甚平每石七錢上下目今日漸增加每石一兩內外若

至明年青黃不接之前必甚昂貴楚價漸長則鄰

省益貴臣因民食攸關留心體察緣川米禁販不

得到楚江浙等省搬運甚多又兼本省收捐以本

色穀石上倉是以楚省北南米價日增近聞江浙

米價較之楚省現貴三分之一臣仰體

皇上睿視同仁之至意不敢因楚米長價輒行禁遏竊

思楚省收捐貢監穀石雖爲積儲充裕兼可爲江

浙等省緩急撥用之需但現今數省米貴若楚省

仍收捐納穀石未免穀愈少而價愈增臣再四豫

籌欲爲緩急通變惟有將楚省北南收捐事例暫



行停止俟癸丑年秋收豐稔穀價平減之時再行  
收捐庶米穀流通楚民與鄰省之民均免食貴之  
虞除一面出示通飭停捐外相應具摺

奏明伏祈

皇上睿鑒謹

奏

此奏是該部知道

同日又

奏竊臣前奏收繳六里鳥鎗器械一摺經閣臣密議  
應行給價繳銷奉

旨俞允欽遵辦理今據湖南布政司議詳六里地方給  
銀三千六百兩又鎮筸毗連六里其筸屬紅苗鳥  
鎗應一併收繳亦給銀三千兩俱於公項內動支  
委員逐漸收繳現今土苗嚮化陸續自行投繳惟  
是土苗所用鳥鎗多有火門在左及斤兩過輕不  
足充營兵之用者十有八九若照營製改造合式  
與廢鐵無異然因營兵無用而槩照廢鐵給價則  
土苗所得無幾恐有格沮不得不酌估原製價值  
分別輕重好歹寬給價銀以鼓舞之今議木拖機  
弓各色完整不分火門左右合式與否八斤以上



者給價八錢其斤兩輕者每斤遞減一錢若鎗雖損舊可以修整者槩照斤兩給以半價至於鏽壞不能修整者照廢鐵每斤給價二分如此則土苗愈加踴躍爭先繳銷矣再湖南苗地現今勸墾動用公項資給牛種臣愚以爲苗鎗收繳完日揀選堪充營用者造冊達部酌撥兵丁演用其餘鏽壞不合式者請改造鋤犁農具賞給力田土苗俾得耕作之實用

皇恩普被有加無已是又勸墾之一助也至於土苗所用環刀標鎗亦不宜比戶藏蓄俟鳥鎗繳完行令

逐漸給價收繳爲此繕摺具

奏是否有當伏乞

皇上訓示遵行謹

奏

所奏皆是可謂深得賣刀買犢之意也至於環刀標鎗之類亦自應收繳但惟順其所願而爲不宜強迫

雍正十一年二月二十一日湖廣總督臣邁柱謹奏爲恭報雨雪情形仰慰

聖懷事竊照楚省上年十一月內連得瑞雪今於本年正月初三初四十三等日又得雨雪四郊霑



足據北南各屬稟報無異臣於正月二十五日自  
武昌起程由水路抵襄所過地方麥苗秀發大麥  
吐穗軍民寧帖目下米糧價值每石一兩以下較  
去冬漸減似此太和翔洽惟有勸諭四民克勤克  
儉而已理合奏

聞伏乞

皇上睿鑒謹

奏

以手加額覽焉

雍正十一年四月十一日湖廣總督臣邁柱謹

奏竊照楚省運陝米石其頭運米船一千五百隻開  
運前後恰值時雨廣沛河流漸長舟行順利已於  
三月十五日直達龍駒寨交米回空於二十二日  
轉到小江口其二運米石又於三月二十五日陸  
續起行仍遇雨水充盈正在源源輓運今於四月  
初六日接准署陝西撫臣史貽直咨稱楚糧運送  
兩回卽有四萬五千石儘可接濟已將楚米暫請  
停運緣由繕摺具

奏等因到臣茲二運米石將次發完餘米應停起運  
臣擬於四月十三日起程回省其已碾停運之米



或糶濟民食或分貯各倉俟臣到省同撫臣德齡商酌妥當另

奏外謹將准咨停運併臣起程回省日期具摺

奏明伏祈

皇上睿鑒謹

奏

因史貽直之奏隨經有旨命將楚糧停運也

雍正十一年五月初六日湖廣總督臣邁柱謹

奏爲恭報二麥豐收分數米糧價值仰慰

睿懷事竊照楚省今年雨水調勻二麥菜豆俱獲豐收

茲行據湖北布政使鍾保呈報武漢等府州屬二麥收成自十分九分以及八分七分六分不等米價每石自七錢五分起至一兩不等湖南布政使張璨呈報長衡等府州屬二麥收成自九分八分以及七分六分五分不等米價每石自八錢二三分起至一兩不等現在禾苗業已栽插經臣俱覆查無異所有北南兩省二麥收成細數竝米糧價值臣謹另繕清摺恭呈

御覽外再照漢口地方自蒙

聖諭敕令川省速弛米禁以來川米連檣而至米價平

殊批諭旨

下

八

邁柱



減江浙客商搬運甚多目下二麥又獲豐收閭閻  
俱有含哺鼓腹之樂且雨暘時若禾苗青秀此皆  
我

皇上念切民依感召

天庥之所致也理合一併具

奏伏祈

睿鑒謹

奏

覽楚省二麥豐收情形曷勝欣慰凡此皆卿忠誠任事  
之效向來楚地不多種麥朕卽位後屢命督撫訓導百

姓樹藝未知目今十分中有幾分遵行者隨便具奏以  
聞

同日又

奏爲請

旨事竊臣於上年八月邸報中伏讀

上諭聞北路所派四省綠旗官兵數年以來有陸續在  
軍前病故者今年七月間該管將弁始接到部文而  
各家口從前所領月餉例應病故之日追出歸入截  
曠項內朕思國家養育兵丁加恩優渥而出征身故  
之兵丁尤朕所格外矜憫者其未奉文之前家口所



領月餉此時安有力量可以措辦交官此項月餉悉著加恩免其追還等因仰見

皇上加恩於出征病故之兵丁至優至渥臣查楚兵赴陝出口以來亦有軍前病故者原營奉文開除已隔數月行追家口長支糧餉并追故丁名下豫借庫銀該家口俱以貧苦無依哀籲免追誠如

諭旨其未奉文之前家口所領月餉無力措辦交官事同一轍但北路四省兵丁遇有軍前病故免追家口長支糧餉出自

特恩未見部文通行臣下亦未敢援引然同一出征身

亡之兵丁自當共需

皇恩一例邀免今楚兵遇有軍營病故者議動司庫三分耗羨銀兩找給新兵家口并補還故丁之豫借庫銀咨明戶部允行在案臣轉思楚省如此辦理已經推廣

聖恩而別省尚有出征兵丁不知作何辦理仰懇聖主洪慈再頒

諭旨宣示各省遇有出征兵丁在軍前病故者照北路四省及楚省現行之例將家口長支月餉并故丁豫借庫銀一槩免追准動該省存公銀兩支給還



項則

皇恩浩蕩無處不周矣伏祈

皇上睿鑒施行謹

奏

此奏是另旨諭部通行

同日又

奏竊臣據鎮筵總兵官楊凱鈔錄條陳巡察入境應先於驛道衙門將各州縣驛遞額設馬匹數目及買補年月毛齒彙取總冊到驛查點比對是否相符至於未設巡察省分其該管上司亦卽照此

查察以杜有驛州縣并驛丞等官向所屬紳衿同城營弁借馬烙印驗過仍還之弊等因欽奉

皇上硃批與督臣商酌欽此臣查驛遞馬匹十分之內每年准銷倒馬三分或四分各省不一司驛各官將倒馬竝買補毛齒四季造冊彙報驛道前後更換不同該驛道衙門無有一定毛齒總冊若將新舊所報毛齒彙造及巡察到驛近則隔月遠則逾季各驛遞又有倒斃新買多與道冊總冊不符是總冊之不足憑也伏查各省驛遞自我

皇上御極以來屢頒

硃批諭旨

下

全

漢

柱



諭旨加意整飭弊絕風清如有

欽差巡察者該巡察遍歷各驛查驗其未設巡察省分定例該管驛道每年查點一次又令知府直隸知州於每年奏銷并盤查倉庫之時一併親爲點驗倘有缺額疲瘦卽行揭報題叅立法盡善司驛各官鮮有朦混掩飾之弊該鎮奏稱州縣竝驛丞向所屬紳衿同城營弁借馬烙印驗過仍還之語乃從前陋弊近年責令大員不時稽查此弊久除該鎮所奏均無庸議相應具摺奏明伏祈

睿鑒謹

奏

所奏是

湖廣總督臣邁柱湖北巡撫臣德齡謹

奏爲奏明事竊照撥運楚米十萬石赴陝備貯一案業經陝省署撫臣史貽直覆

奏運送兩回卽有四萬五千石之數儘可接濟餘米奉

旨停運在案臣等查楚省地方潮濕若將停運米石貯倉過夏勢必變色值此青黃不接之時亟宜平價



出糶以濟兵民更於米石可無虧損今查停運米  
共五萬五千石除武昌府未報起程米二千石又  
荊州府抵換解蘇平糶米四千七百石以及公安  
松滋宜都三縣未到襄米共二千石俱經飭令停  
運外其各屬碾米及所撥各倉襄漕米石已運到  
襄及灣泊小江口共米四萬六千三百石應令武  
漢等八府酌量分領轉發各屬糶賣如附近各營  
以及防汛兵丁有願食此米者照雍正九年停運  
陝米之例每石作價七錢於餉銀扣算給發其糶  
濟民食者令各該府轉飭所屬各照時值平價出

糶所糶價銀各貯府庫統俟秋收豐熟發價採買  
按照各屬原經派發碾米及原撥襄漕米數補還  
實貯至原製口袋二十萬條除用去九萬條尚餘  
一十一萬條以後運米須另製夾袋此係單布口  
袋留之無用亦令各府分領變價解還補項其已  
皇上用口袋價銀竝運米水脚等費俟事竣之日查核  
報銷再照已經運陝米石雖經

廷議有或應截漕還項之語但北運上關

天庾未便議請截漕應俟秋成動帑買補以足原額業  
經咨部在案至陝省奏稱俟七月以後視秋收之



豐歉再定續運之楚糧臣等查丹江水勢惟霜降  
天爽之後舟行無阻如陝省酌議續運楚省於臨時或  
或碾米或採買再爲運送亦易爲力相應一併繕摺  
奏明伏祈

皇上睿鑒施行謹

奏

將停運之米如是料理甚善知道了

雍正十一年五月二十二日湖廣總督臣邁柱謹

奏爲姦邪不法之土司實難姑容仰祈

睿鑒事竊照容美土司田旻如素性獷悍制度僭越種

種惡蹟經臣節次

奏明按其狂悖行事實干不赦之條蒙

皇上念其先世微勞不卽誅戮亦不罷斥天地之包容  
無以逾此詎田旻如身受

皇恩不知感激口稱改悔仍然姦惡其所恃者以衆土  
司作羽翼衆土司以田旻如爲領袖從前土司之  
構怨興兵皆聽命於容美現今土漢之犯法姦民  
多潛藏於容美是以各土司積案纍纍終難完結  
田旻如實爲土司之罪魁土民之大害此官一日  
不除衆土民一日不得安枕如東鄉司土官覃楚



昭施南司土官覃禹鼎皆田旻如之婿而兼甥舅也楚昭禹鼎恃有容美衛護淫惡殘暴更甚於別土司田旻如不能告誡反爲袒護助惡東鄉施南之土民如在水火從前臣曾將覃楚昭以貪殘不法叅

奏經前撫臣王士俊審實擬斬監候已准部覆奉

旨依議今臣准部咨據田旻如奏稱覃楚昭黃口孺子狃於習俗爲伊婿妄行瀆奏冀邀寬典甚屬乖謬至於覃禹鼎因姦旗長覃祈之媳張氏將覃祈暗害竝將見證張知義勒死滅口經覃祈之子覃懋

濬等告發不但覃禹鼎不許州縣差役拘審田旻如卽差人至施南講和人命一面幫搶原告藏匿又覃禹鼎向田旻如商謀在於施南銅鼓山私開路徑直抵容美便於狼狽作姦計開路一百七十里田旻如每日派夫做工覃禹鼎每日派民運米土衆紛紛逃奔又覃禹鼎私藏礮位田旻如運送硝磺現今查出礮位收貯縣庫施南土衆見覃禹鼎殘暴不仁與覃楚昭無二呈請改土歸流經文臣武各員詳報到臣除批布按二司一併查明俟詳

覆至日密疏



題叅外伏查湖北十九土司內忠建東鄉二司已經  
題請改土歸流現今十七土司所轄土民惟容美約  
有三千戶其餘土司戶口無多與貴州四川之土  
司迥別田旻如猶如釜底遊魚况伊所轄土民被  
其凌虐怨望日深若將容美改土歸流不必重煩  
兵力臣思各土司所屬之夷民皆

皇上之赤子土官若能撫恤土衆卽同內地之流官可  
以不必紛更無奈田旻如陽爲遵奉陰謀詭譎怙  
終不改各土司聽其愚弄擅作威福荼毒生靈誠  
如田旻如所奏狃於習俗也此等土弁實非寬貸

所能望其感化臣愚以爲楚北各土司似應盡行  
改土歸流將裁革土弁分發各省以千把武職酌  
量補用則土官土民各得其所均沐

皇恩生成於無旣矣如果臣言有當查田旻如妄奏請  
寬伊婿覃楚昭之罪現交兵部嚴加議處伏乞

皇上敕部調田旻如引

見令其在京酌給職銜臣卽另具明本議裁各土司員  
缺以各省千把總另補一面委員安撫土衆設立  
流官次第舉行易於辦理或容臣將田旻如劣蹟

臚列密疏



題叅一面摘印候

旨發審統祈

皇上訓示遵行謹

奏

另有諭旨命大學士轉發

同日又

呈奏爲遵

旨回奏事雍正十一年正月初七日准大學士鄂爾泰

張廷玉寄信雍正十年十二月二十三日奉

上諭安陸府知府偉璉乃從河南揀選調往湖廣者近

聞其操守平常爾等可密寄信與邁柱令其留心訪  
察奏聞大凡滿洲人員不患無才而難於有守目今  
在外爲道府者不過數人若有一二人操守不固實  
爲滿洲人榮辱進退所關不可不嚴加砥礪使之有  
成此則督撫之責也欽此等因寄信到臣查安陸  
府知府偉璉素性倨傲爲人梗直辦事頗有才情  
居官實無劣蹟卽如前署漢陽府事詳揭漢陽縣  
革職知縣黎昂徇私賣法一案經臣

題叅飭審緣叅本內有該縣鄉紳徐諤令伊子徐方  
弘向黎昂投拜門生一款審出未拜門生之先黎



昂曾借徐諤銀五百兩未還比偉璉以紳衿不合  
結交地方官但借銀一事原在叅案外令徐諤出  
銀一千兩修城許將此款詳請外結徐諤依允先  
措銀六百兩繳貯漢陽縣庫旋因新知府到任尚  
未結案知縣許國鴻不敢自擔將銀退還徐諤收  
訖此事偉璉本無曖昧恰蹈瓜李之嫌前撫批黎  
昂呈詞卽有聞徐諤持銀打點府縣兩衙門無不  
走到之語是前撫已疑偉璉得贓以致黎昂一案  
拖累兩年翻駁不結偉璉操守平常之聲名從此  
聞而起今年二月二十七日撫臣德齡親審此案惟

注意於前撫所批徐諤持銀打點一節因先將徐  
方弘夾訊隨卽押發臬司收監二十八九兩日臬  
司又加刑審徐方弘只得招認送過偉璉銀二百  
四十兩盃緞表禮八色黎昂亦供曾見徐諤家人  
在偉璉宅門交銀等語臣查先叅黎昂諱強爲竊  
一案係偉璉審明黎昂諱飾實情續叅黎昂徇私  
賣法一案又係偉璉訪明徐方弘投拜門生現審  
官犯有不怨恨偉璉者乎卽至愚極貪之員亦無  
揭報他人行求賣法之後復索被揭本犯財物之  
理况黎昂係貴州舉人與前撫同鄉若知偉璉受



賄早已首報以洩被揭之憤何待今日扶同徐諤父子含糊袒證耶若徐諤父子主意誣賴偉璉問官當爲秉公駁詰使反噬刁風不致縱長今因前撫有風聞持銀打點之批撫臣信以爲實故於兩年之後刑逼徐方弘供報偉璉得贓實於情理不合然終屬讐口且係一面之詞不足憑信又有安陸府京山縣把持侵稅之劣監夏可俊上年十月內赴巡撫衙門告偉璉滅案毀碑苛徵稅銀前撫不查檔案輒批藩司行查今特委德安府知府親往安陸密弔偉璉收稅紅簿拘訊經承牙行未免

皇  
小事大做知府竟爲地棍所制撫臣又疑偉璉雍正九年署漢陽府任內房船稅銀有徵多報少之弊諭令兩司暨武漢黃道立提九年分經承查訊殊不知漢陽府徵解稅銀惟九年分獨多若謂偉璉多徵少解臣可信其必無或管事家人通同經承購官作弊在所不免臣亦尚在查察臣欽遵

諭旨細加密訪查偉璉初泣德安委署漢陽調任安陸三任之中竝無枉法貪贓之事現今雖有浮議或係出於讐口或被地棍誣告均非偉璉得贓罪案此外委無劣蹟近日亦知戒酒總因偉璉爲人倔



強心直口快梗議地方事務久爲人所憎厭今撫臣初莅尚未熟諳所用內幕又係前撫舊人凡前撫好惡之員內幕無不留心現今物議紛紛撫臣亦未覺察臣秉性愚戇今年六十有四惟有恪遵聖訓所轄屬員滿漢一體從無偏向鉅細事務若不訪察確實亦未敢冒昧具奏此臣之一念愚誠也除不時教訓偉瑳砥礪廉隅務期成一好官外所有偉瑳本無貪婪劣蹟之處據實回

奏伏祈

皇上睿鑒施行謹

奏

候另有諭旨由內閣頒發

雍正十一年七月初九日湖廣總督臣邁柱謹

奏爲恭報早稻收成分數米糧價值仰慰

聖懷事竊照湖廣早禾今已收穫經臣行據北南兩布政司各查明分數並米糧時價分晰開報前來湖北八府一州所屬早稻收成自十分九分以及八分七分六分不等米價每石自七錢六七分起至一兩一錢不等湖南八府四州所屬早稻收成自十分九分以及八分七分不等米價每石自七錢



一二分起至八錢七八分不等惟是楚省素稱澤國每常夏潦本年五月間陰雨連綿六月初旬川水驟發又值襄水泛溢二水交激以致江陵監利沔陽荊州衛等處低窪田禾間有被水淹沒而江陵適當二水匯集之衝該縣熊良工隄墪被水衝潰所有早禾淹浸稍甚然通算收成亦有六分例不成災又湖南巴陵臨湘華容三縣沿湖最低之水田間有被淹之處旋即水退正可栽插晚禾臣現在酌動工項銀兩商之北南撫臣按照被水輕重之地方查明極貧次貧之佃民酌行周恤務使

得所目下水已漸退潰口之處搶築保護仍可補種晚稻雜糧以望秋成總之北南連年豐稔今歲二麥早稻俱獲豐收現今中禾穎實晚禾青秀民間米價甚平倉箱稱慶理合繕摺奏

聞恭慰

睿懷所有早稻收成細數并米糧價值臣謹另摺分晰開呈

御覽謹

奏

覽全楚早稻收成分數朕懷深慰其被水地方貧民加



意撫恤務令不致失所

同日又

奏爲奏明事雍正十一年五月初九日准署陝西撫臣史貽直協辦巡撫印務鄂昌咨開湖廣出征兵丁應製軍裝陝省現經代辦其所動銀兩咨楚解還至所需籐牌五百面陝省無從辦解希速製備解陝轉解軍營等因臣查楚省雖有匠作能造籐牌然不及粵東之精工堅實若俟往粵製備未免往返遲延臣有捐製籐牌係委員赴粵造運來楚現發各該營演用今調回五百面驗看俱屬堅固

鮮明已於六月十三日委把總王國泰領解陝西巡撫衙門交收約七月中准可到陝轉解軍營尚未嚴寒得以早備征防又委千總王忠齋價前往粵東製辦籐牌五百面俟回楚補還各營一轉移間均得備用無誤事關備解軍需相應繕摺

奏明伏祈

睿鑒謹

奏

如此應辦迅速甚好

雍正十一年八月二十九日湖廣總督臣邁柱謹



奏爲遵

旨回奏事竊臣前奏二麥豐收一摺奉有

硃批遵卽諭令北南布政司所屬各地方十分中有幾分種麥者細查去後茲據該司等開報前來伏查北南兩湖向惟鄖襄兩府種麥其餘各府州屬種麥者甚少自

聖明御宇首重民食屢頒

訓旨令督撫諸臣督率有司勸農布種因而民間漸次種麥豐收獲利雍正四年以前楚省種麥者尚少自五年水潦之後臣甫經到楚諭令地方官勸民

竭力種麥次年收穫已畢伏水方至閭閻大得麥息之濟從此種麥者甚多至於湖北種麥分數又倍於湖南臣察其情由緣楚北湖地較多於湖南近年湖北百姓咸知麥熟在伏汛之前卽遇大水二麥先已登場足食無憂遂將素未種麥之湖地遍處種麥是以北南種麥分數多寡不等然向之廢棄湖地今如膏腴之產同收地利總由

聖心恰合

天心故於默默之中

上天佑民廣種地無曠土民多蓋藏莫非



聖教覃敷之所致也所有北南各屬地方種麥分數臣  
謹另摺臚列恭呈

御覽伏祈

睿鑒謹

奏

野稀曠土庶幾民食無虞種麥分數欣悅覽焉

雍正十一年九月十六日湖廣總督臣邁柱謹

奏為恭報楚省中晚二禾收成分數米糧價值仰慰  
聖懷事竊照楚省早禾收成分數臣已查明具

奏今中晚二禾又俱豐熟收穫經臣行據北南布政

司各查明收成分數并米糧時價開報前來臣謹  
另具清單分晰臚列恭呈

御覽外查兩湖地方自七月以來雨水調勻中晚二禾  
以及一應雜糧俱獲豐收卽前此伏汎水漲湖北  
被水之江陵等州縣湖南被水之巴陵等處已經  
資助補種蕎麥雜糧現今茂盛是以北南米價甚  
平地方寧謐理合一併奏

聖懷謹日又

奏

硃批諭旨

下

矣

邁

柱



覽中晚二禾收數及米糧價值情形深爲楚民額慶

聖旨同日又

奏爲奏明事竊照湖北按察使王柔前在辰沅道任內辦理苗疆事務尚能勝任自陞臬司以來情性乖張好尚新奇治獄之道本不諳練各屬解審案件濫用刑威或苛駁原問官覆訊或另發別衙門承審任意妄行不遵成例以致屬員枉受遲延叅罰人犯解差又苦於往返拖累其到任之初已經辦錯事件尚不認過反自回護前非如刑逼徐方引妄供安陸府知府偉瑛得贓一事今奉

旨查審臣仍令王柔會同各司道確審無非仰體

皇上大公無私之至意旋據王柔詳稱本司前審之時徐方引初供送偉守表禮八色銀四十兩因其供情閃爍故令取刑嚇問方引又供叫家人方起拏二百四十兩銀子同黎縣主交與偉守家人劉姓又送八色表禮今徐方引與伊父徐諤堅供並未送有銀物前後供詞舛混方起遠颺未經出質難成信案是以藩司會稿本司未敢書行等語又據鍾保詳稱此案經本司會同臬司竝在城各道當堂公審而徐諤父子堅供畏刑妄供卽質之黎昂



亦稱實未見有饋送銀物之事今徐諤父子既不承認則伊家人方起卽不到案質對亦無足重輕倘有情節未明當會審之際臬司何不當堂駁詰而乃於取供審定之後發武昌漢陽兩府成招復以供詞舛混未敢書行本司亦難勉強除將本案會同各道繕詳另報外將臬司未經會稿緣由詳明等因前來除藩司各道會詳本案臣與撫臣覆核無異另摺回

奏外伏查王柔旣同各司道會審徐方弘等堅稱畏刑妄供實無饋送銀物之事偉瑛未有贓私實蹟

乃公同審明之後經藩司會稿而王柔獨不書行以前後供詞舛混另詳推其意必須復夾徐方弘令其供認饋送銀物以符自己前審之供是一味偏執濫刑不顧屈抑屬員當此光天化日之下難

聖明洞察謹將王柔冒昧之處及審明偉瑛無貪婪劣蹟又不曾詳緣由據實

奏明伏祈

睿鑒謹

奏



王柔原取其有勇敢任事之長耳至於識見才調俱屬平常而且性情粗急前在道任時朕於汝等奏摺內已會批諭矣

雍正十一年十一月初九日湖廣總督臣邁柱謹

聖奏為請  
旨事竊照永州鎮總兵印務前奉

上諭著臣於屬員內揀選遞行委署經臣選得長沙協副將王惟一老成幹練久歷苗疆將該員一和題請署理之後臣以永州一鎮壤接粵西苗徭雜處最為緊要仍時常體察看其能否勝任今查王惟

一在副將任內克盡職守自署理總兵印務以來優柔供職一切辦事識見均不勝任臣不敢因已經題署之員姑為因循查衡州協副將崔起潛才技優長操守謹飭實心任事堪寄重任請將崔起潛署理永州鎮總兵印務可期裨益其所遺衡州協副將員缺卽以王惟一補授亦屬輕車熟路一改署間則封疆大吏得人而人材亦各器使咸宜矣如蒙

俞允伏請

皇上特頒

硃批諭旨

下

九

邁柱



諭旨施行謹

奏

朕將王惟一原記名劣等前於題署永鎮時以爲卿必就近體驗的確另有鑒別是以勉從所請不謂仍復如故據奏已有旨諭部矣崔起潛朕雖不深知然亦屬中材不便特旨命攝此缺今仍著卿題署候部文到日或委令崔起潛暫署數時一面另檢別員更替卿其酌量爲之至於王惟一如此景况朕恐副將一任亦未必克勝其留意斟酌摺奏以聞

同日又

奏爲奏

聞事竊臣密叅容美司田旻如不法一案准兵部咨奉旨著暫停革職審擬伊曾屢請陞見今著來京候朕詢問再降諭旨欽此行令將田旻如委員伴送進京赴部引

見等因隨經臣繕給部咨委彝陵鎮中營守備韓岳前往該土司伴送田旻如進京去後詎旻如假捏有水衝田產之土民正在撫恤遷移不便起程鈔錄該土司摺稿將已經奏請寬限兩月緣由稟覆到臣伏思田旻如素性狡獪向來令人在各衙門探



聽事情緣臣防範慎密參伊款蹟無從鈔看故假  
撫恤土人之美名奏請寬限希圖廣探參款內情  
節預備

廷詢展辯之計亦未可定似此狡詐行爲難逃

皇上睿照之中然田旻如既經冒奏請寬限兩月惟有  
靜候

諭旨遵行經臣咨明內部在案今據彝陵鎮總兵冶大  
雄稟報十月十五十七等日有容美土民攜眷裹  
糧到巴東縣地方共有五百餘人口稱土官奉調  
進京抗不起程恐其在司妄爲累及土民是以出

司躲避等語臣念土民向被土官凌虐歸流心切  
去今出來人衆似難強其復入隨諭附近州縣官王  
志遴等暫爲安插查明內有乏食者捐給口糧俟  
田旻如進京候

皇上詢明奉  
旨到日再爲妥協辦理并令彝陵鎮後營遊擊張廷蘭  
遊巡彈壓外所有容美土民出司緣由理合繕摺  
奏

聞伏祈

睿鑒謹

硃批諭旨

下

百

邁柱



奏

觀卿辦理容美事務似覺過於輕視百凡有備無患稍涉輕忽則恐有疎畧之失前次諭旨甚明其遵諭慎密圖維靜以俟之可也

同日又

呈奏為奏明事竊照楚省收捐貢監事例臣因上年江浙米貴搬運甚多楚省北南又以本色穀石收捐米價日增是以具摺

奏請暫停收捐以濟江浙民食俟雍正十一年秋收價平之時再行開捐准部覆奉

旨依議欽遵在案今當秋收豐熟之後楚省停捐事例應請照舊開捐但聞今年浙江米價較之上年更貴又江蘇所屬州縣今年採買穀石秋後更多有買補糶三之穀有買補撥協賑濟之穀有採買積貯或糶或存之穀事關隣省民食倉貯俱當聽其買運然目今北南米價每石一兩上下日漸昂貴若至明年青黃不接之時誠恐有增無減楚米長價則江浙米糧愈貴臣既有所見聞不得不從長籌畫請將楚省收捐貢監事例再停一年俟甲寅年秋收豐稔再行收捐則楚省與隣省之民均免

殊批諭旨

下

直

邁柱



食貴之虞抑臣更有請者查楚省北南與江浙二省均有買補倉穀之案一時竝買價值愈增自應酌量緩急次第買補今陸續接准江浙督撫咨文該二省州縣已令屬役齎價來楚採買穀石者應先儘江浙買回以實倉貯其楚省北南各倉積貯豐裕所有應補米穀尚可分年採買如湖南知會運濟軍糧事碾米運黔案內應買補穀二萬石又公籲據情奏請事案內商交存剩未買穀價銀三千九百八十七兩零以上二案爲數無多應行買補又湖北欽奉

上諭事動帑糴買新穀案內存剩未買穀價銀一萬一千三百三十四兩零現經飭令買補餘俱緩俟明年秋成前後照數買補還倉如此則米穀流通而民食積儲均有攸賴矣是否有當伏祈

皇上睿鑒訓示遵行謹

奏

所見是如此酌量緩急辦理甚屬妥協仍咨明該部存

察

同日又

奏爲請補要地同知以資督理堤塍事竊照荊州府

硃批諭旨

下

百

邁

柱



奏同知張桓曲法婪贓經撫臣德齡疏叅在案所遺同知員缺兼管水利各屬堤埝關係

國賦民生最爲緊要務須勤慎練達之員庶於地方有裨倘部選人員於修堤利弊未能諳曉貽誤甚大臣於屬員中詳加揀選有潛江縣知縣張延慶臣上年力強壯辦事勤敏在任十年熟悉修築堤埝之法以之補授水利同知則府屬堤務固其才所優爲但該令係革職留任之員兼有降罰案件與例不妨聲明題請不符未便會同撫臣用明本具題今荊州府同知王簡事務現委張延慶護理倘蒙

皇上破格擢用將張延慶以荊州同知試用俟三年無過准其實授則該員自當倍加奮勉向前以圖報效也再查原任湖北布政使今署理湖南巡撫印務鍾保奏請丈量沔陽州田畝摺內恐任用不得其人請將張延慶調補沔陽知州奉

諭旨言之督撫若意見相同具疏題請欽此臣思丈量與情固須體察然要當審度應行與否據理而辦豈宜一徇輿情馴至因循貽誤但不得過於苛求亦毋使任意止未定現今荊州府同知要缺需人臣爲隄埝重務起見謹具摺

奏請伏祈

硃批諭旨

下

高

邁

柱



皇上睿鑒施行謹

奏

覽

雍正十一年十二月十九日湖廣總督臣邁柱謹  
奏竊臣前奏容美司田旻如假撫恤荒民不卽進京  
及土人投出五百餘名口一摺奉

硃批觀卿辦理容美事務似覺過於輕視百凡有備無  
患稍涉輕忽則恐有疎畧之失前次諭旨甚明其遵  
諭慎密圖維靜以俟之可也欽此先於雍正十一年  
十二月初三初五日准大學士鄂爾泰寄信兩次

奉

上諭覽總兵冶大雄所奏容美土司田旻如情形其蓄  
意不法業已顯露令臣先據所報檄問田旻如看其  
如何回覆一面就近酌調官兵詳籌妥備務俟田旻  
如有不肯來京不敢來京之語然後聲明其罪可以  
大定復令臣臨進兵時務須嚴飭將弁無論幾路俱  
密約定期先將各要隘占踞俾不得竄逸等因欽此  
欽遵仰見

皇上睿謨深遠措辦咸宜臣敢不悉心籌畫先事整備  
自取疎忽之咎臣前准部咨奉

硃批諭旨

下

夏

邁

柱



旨著田旻如來京隨即委員伴送旻如赴部引

見士面移會北南兩撫暨署提督彝陵鎮鎮筩鎮井北南界連容美之協營堵截要隘各加防範又密札荊州道府州縣廣爲差探看旻如有無動靜去後大嗣因土人紛紛投出經彝陵總兵冷大雄稟報委後營遊擊張廷蘭赴要路鄖陽關巡防又委右營遊擊王鎮維赴要路漁洋關巡防至於湖南如何意進攻堵截之處已據鎮筩總兵楊凱詳悉稟覆又據道府州縣差探容美司中毫無舉動田旻如先以撫恤荒民托故延挨經臣行文飭催起程又以

奏請寬限之摺未回且有辯訴之處應俟摺回起行臣查田旻如先稱十月初四日拜摺已隔兩月有餘諒當回歸仍委彝陵鎮守備韓岳伴送并飭催作速起程未據旻如回覆現在復又嚴檄查催茲於十二月十四日據彝陵鎮咨呈據遊擊王鎮維稟報有土民唐均佐等稟投呈詞戶口單又有五峰石梁司長官張彤砮帶同土民到漁洋關汛繳康字六千九百三號印信一顆令箭一枝并烟戶册願入民籍十六日又據歸州知州申稱有續投出土人三十六名口稱土衆約齊要公拏司官



送省各等因除先經投出土人俱捐給口糧安插  
外總之容美土民被旻如凌虐已久現今土衆約  
會欲拏旻如到省益見衆怨親離旻如孤立無助  
且惟恐起程之後土衆利其所有早離司署攜眷  
至太平寨居住此時旻如畏懼自顧不暇臣欽遵  
諭旨靜以俟之看其回文到來如有不肯進京不敢進  
京之語只得酌遣官兵於北南各關隘駐劄先發  
告示進司曉諭土民并令土舍解出旻如餘俱安  
堵如故倘有不遵則兵進之日未免擾累如此傳  
示則旻如必爲土衆擒拏解出可以不煩一兵不

折一矢又名正言順此臣就容美之情形相機辦  
理俾無驚擾實非輕忽從事恐厯

聖懷理合備悉奏

聞伏祈

睿鑒謹

奏

覽奏容美近日情形已悉總之凡事寧過於慎重不可  
視爲輕易一切處能料及於意外何患諸務不克辦集  
也

奏同日又

硃批諭旨

下

頁

邁

柱



奏為恭報瑞雪情形仰慰

聖懷事竊照北南兩湖十一月初十十一二三等日遠近遍處得雪積高一二尺不等其民間布種二麥較之往年更廣現吐青芽目下米穀雖有江浙採買搬運市價不甚昂貴地方寧謐四民安居樂業

盛世昇平之福理合奏

聞伏祈

皇上睿鑒謹

奏

據奏全楚冬雪霑足麥吐青芽欣悅覽之都城內外於元旦立春時荷蒙

上蒼普賜盈尺之雪可謂南北同慶共沐浩蕩

天澤也

雍正十一年十二月二十四日湖廣總督臣邁柱

皇奏為恭繳

御批奏摺事竊臣前奏署永州鎮總兵王維一不能勝

任一摺奉有

殊批仰見

殊批諭旨

下

頁

邁

柱



聖明遠照務期人地相宜之至意伏思總兵官膺封疆  
重任首重技勇超軼尤須潔己明敏臣前將王惟  
一題署永州總兵印務實屬誤用蒙  
皇上不加譴責仍

命臣斟酌題署謹於北南副將中詳加揀選全材不易  
多得如湖北黃州協副將朱文華熟悉內地營伍  
而前在永順協辦理苗疆不甚妥協耶陽協副將  
陳明道才堪辦事而爲人瑣屑湖南辰州協副將  
毋椿齡人本勇健而性情躁急操守亦屬平常寶  
慶協副將江之湛忽得痰迷之症現在調治九谿

協副將李椅到任未久尚欠歷練永順協副將王  
進昌智勇出衆堪寄重任因與知府袁承寵協辦  
邊疆事務漸有頭緒此時不便另用其餘俱循分  
供職惟衡州協副將崔起潛弓馬人材俱屬可觀  
又操守謹飭營務練達是以仍將崔起潛

題請署理永州總兵印務在王惟一雖不勝總兵之  
任但前在長沙協副將任內營伍整飭其衡州協  
副將員缺堪以王惟一署理再觀後效以上二員  
經臣另疏具

題伏候

硃批諭旨

下

頁

邁

柱



睿鑒施行所有原摺理合恭繳謹

奏

永州總兵印務姑令崔起潛暫爲署理朕若得有勝任之員仍另用來

容美之奏交九卿議覆候旨遵行向開土司地界最易藏垢納污今容美境內有無隱匿逋逃亟當詳查密訪勿致疎漏其加意毋忽

雍正十二年二月初四日湖廣總督臣邁柱謹

奏爲奏明事本年正月二十三日准署寧遠大將軍查郎阿咨開湖廣征兵所需衣帽鞞鞋及軍前應

需旗幟帳房鑼鍋銅罐茶葉等項希照冊開件數轉飭原營速爲製備解送軍營應用至於騎馱馬鞍弓箭撒袋鋤鐵斧馬掌馬絆水火皮袋火繩等項在於陝省代辦其所費銀兩楚省運解還項等因臣思各兵袍褂長短鞞鞋大小應令本家製辦方得適體合宜但每家約需銀五兩恐一時湊費不及未免稽遲行令各營向附近府州借支庫銀每家借給銀五兩及早辦備所借之銀於應領月餉內陸續扣還原項至於旗幟帳房鑼鍋銅罐之類各營現有存貯先爲調齊同各兵衣帽鞞鞋



委員運送軍營以資征防其冊載茶葉三千四百一十斤所費無多捐買解給至馱載脚價銀兩議動三分耗羨項內支用俟委官運送回日將用過脚價核實年底彙冊達部所有臣現辦軍需之處理合繕摺

奏明伏祈

睿鑒謹

奏

查郎阿既自軍營移文索取非前次無因可比自當隨宜料理照咨應付

同日又

奏竊臣回奏永州鎮衡州協各員缺將崔起潛等題署摺內奉有

硃批命臣訪察容美司逃匪臣隨即密札按察使王柔荆州道姜邵湘欽遵訪察外查容美司所用漢人三教九流無所不有臣委王柔等辦理善後事宜先經面諭又檄飭務須密查漢姦旗逃逐一解究并派弁兵把守各關隘嚴加盤詰毋得縱脫現據該司道文報有田旻如之門客術士劉璽劉安太趙打虎胡道人并續獲闖人十名一併解省此外



有無匪類逃人尚在查拏等因又本年正月初四日有容美土民向應時張弘謨唐本裔等赴臣衙門首報田旻如養一還俗和尚吳金枝配以妻氏圖謀不軌等因臣當將向應時等押發藩臬密訊據向應時供稱雍正九年田旻如差人接一荆門州道人趙打虎燒丹這吳金枝先是和尚跟趙打虎進土司他說是吳逆的孫子是駙馬吳應熊的兒子當時吳應熊逃在山海關外鼎護府沒耳躲王招贅爲婿生他的年紀纔三十多歲如今蓄髮改姓陳現有妻子在土司他隨身帶著一幅布布

上寫有曲曲灣灣的字說是記兵數的番字去年九月田土官叫小的同吳金枝往山東淮安調兵又叫土民唐本裔跟隨服伺小的沒奈何只得同行走到襄陽樊城這張弘謨趕來說是田土官差他往京上求寬限摺子私自與小的說叫小的伴著吳金枝先到淮安等他上了摺子他來淮安會同小的哄誘吳金枝轉到武昌出首相約定了小的同吳金枝先到淮安沒有一人與他認識他開口問范公且總無人曉得他還要到山東青州去小的不肯同他去到冬月二十四日張弘謨趕到



淮安湖嘴遇著小的們同誘吳金枝轉來十二月  
二十一日船到漢口不料吳金枝上岸出恭就逃  
走了小的們尋覓十多日竝無踪跡只得呈明等  
語訊據張弘謨唐本裔供同查燒丹道人趙打虎  
已在容美拏獲脫逃之吳金枝現在飭差幹役賞  
給路費分途密緝務獲審究外臣思吳金枝不過  
一無賴遊僧混進土司偽認吳逆之孫假稱山東  
山東淮安有兵諒田旻如亦知假局借此唬嚇土目虛  
事寧容疎畧吳金枝不獲斷乎不可  
若如此張聲勢情或有之俟拏獲吳金枝到案自當嚴審  
究擬倘金枝妄報詭名及混扳無辜之人似不便

豈汝年齒遲暮志氣漸就衰頹耶是何言歟  
概行查提致滋拖累也是否有當伏候

皇上訓示遵行又據宜都縣呈稱上年十月二十四日  
此請更爲可笑之談矣  
有容美土目自京齋回奏摺不便令其前進謹將  
御批原摺齎送到臣理合恭繳統祈

睿鑒謹  
奏  
覽  
雍正十五年四月十六日湖廣總督臣邁柱謹啟

奏爲請案查辦一摺  
旨事竊照湖北糧道武弘彥押運赴淮行至揚州病故

殊批諭旨

下

臺

邁柱



臣等經撫臣德齡會疏

題報在案查糧道一缺有綜核通省糧儲督理漕運重務必得才守兼優之員方能勝任臣於北南知府中詳加揀選有湖南永順府知府袁承寵年力精壯潔己率屬才猷練達在永五載事事調劑有方屬吏苗民咸深愛戴請以袁承寵補授湖北督糧道洵為得人如蒙

皇上俞允則永順府缺係新設府治尤為緊要查辰州府知府李珣素悉苗情操守謹飭請以李珣調補永順府知府實屬相宜所遺辰州府缺亦屬苗邊

查有永綏同知永泰居官強幹才具優長請以永泰補授辰州府知府足資彈壓所遺永綏同知員缺查有永順府通判梁璨謹飭勤慎熟諳苗情業

奏經湖南署撫臣鍾保會疏

題補沅州知州現在候正日斷貴密待至萬卦

旨但沅州久屬內地永綏係新闢苗疆請以梁璨補授永綏同知更屬有益所遺沅州員缺界連黔省又屬苗疆例應揀補查有茶陵州知州朱琰辦事勤奏敏才堪肆應以之調補沅州知州可收實效至茶陵州係腹內中缺應歸部選臣因地方人材起見



不揣冒昧繕摺具  
奏是否可行伏乞  
皇上睿裁謹

湖北糧道等員缺照所請行有旨諭部矣  
奏未詳同賦更  
奏未詳同賦更

湖廣總督臣邁柱謹  
奏為恭報楚省二麥豐收分數米糧價值仰慰  
睿懷事竊照楚省上年布種二麥較前更廣今俱獲豐

收行據湖北布政使李世倬湖南布政使張璨將  
收成分數及米糧價值分晰開報前來經臣體察  
與兩司開報相符謹另單臚列具

奏恭慰  
聖懷現今雨暘調順即菜豆之類均獲豐收早禾茂盛  
晚禾青葱雖江浙官糴商販陸續搬運四百餘萬  
之多而二麥登場米價平減閭閻共慶盈寧遐邇  
均霑查

聖澤理合  
詳覽所開  
奏同日又

二麥四日二十八日對大舉士  
詳覽所開二麥收成分數并米糧價值朕心曷勝欣慰  
奏同日又二麥四日二十八日對大舉士



奏雍正十二年四月二十八日接大學士臣鄂爾泰  
張廷玉字寄到臣內開欽奉

上諭洞庭湖舵算洲建築石臺一事地方有司果有玩  
視工程怠忽從事官員著臣據實嚴叅毋得姑容欽  
此臣查近湖十二縣去秋領帑雇募人夫船隻勤  
敏幫辦者固多間有二三處不能如期雇到或解  
不及數者臣以該令等或才具平常或一時夫船  
缺少或胥役奉行不善以致未能如期齊全臣與  
奏湖南前撫臣趙弘恩已嚴檄誡飭并檄行總理衡  
永郴道臣許登瀛就近查察如有玩視令其詳叅

茲值湖水漸長對洲取土之河堤水已漫過在臺  
運土夫船均已發回止留運砌石工夫船在臺辦  
理俟秋時水退仍於對洲河堤取土甚近且土堅  
如石填築臺心自可趕辦以冀來歲告竣倘屆期  
仍有解到夫船不敷應用玩視怠忽之員臣立即  
據實嚴叅斷不姑容有誤  
欽工謹奉

此工當極加留心督催辦理從前未免懈怠以故蹉跎  
至今未竣耳



同日又

奏為欽奉

上諭事雍正十二年五月初四日臣接准部咨內閣鈔  
出奉

上諭苗民年來遵奉法紀各安生業已屬可嘉今有民  
間女子迷失路徑誤入苗寨而該苗龍有等不敢容  
留卽報明汛弁傳信招認又令伊妻伴宿措置合理  
尤為罕觀著臣等傳

旨宣諭再加賞賚俾衆苗相率為善同受國恩特諭欽  
此臣卽欽遵行令湖南布政司從優賞賚俾霑

皇上格外洪恩并令廣宣

諭旨以示獎勵羣苗至意辦理外臣查前據辰永靖道  
王葉滋稟報臣隨捐銀十兩令該道多備花紅羊  
酒令地方官用鼓吹導送該苗寨并照設立族正  
之例給以寨正委牌俾其訓導羣苗又據湖南布  
政使張璨按察使胡瀛詳報賞給銀十兩在案理  
合一併陳明臣謹

奏

賞以勸善辦理可嘉

雍正十二年七月初八日湖廣總督臣邁柱謹

硃批諭旨

下

夏

邁柱



奏爲恭報早稻收成分數米糧價值仰慰

聖懷事竊照楚省二麥豐收臣已具摺奏

聞今早稻又豐熟收穫經臣行據湖北布政使李世倬  
湖南布政使張璨將收成分數及米糧價值分晰  
開報前來臣訪查無異以通省計之十分九分者  
居多祇緣自春徂夏雨水調勻川水又小隄塍穩  
固是以北南山田湖地及苗疆邊徼遍處豐收現  
今中禾俱吐穗灌漿晚禾亦芄芄茂盛遐邇民苗  
共慶盈寧僉謂數十年難逢之樂歲臣思江浙商  
販已運米五百餘萬石目下楚省米價尚屬均平

幾工誠恐民間不知樽節易於奢侈現在勸諭百姓省  
費減用愛惜米穀多積多藏永享昇平臣同僚屬  
遇此豐年愈加敬畏仰副我

皇上念切民依感召

上蒼默佑之至意所有收成分數米糧時價臣謹另單臚

皇上列具

奏恭慰

聖懷謹

奏

覽早稻收穫分數慶慰之懷莫可言喻

殊批諭旨

下

真

邁

柱



同日又

奏為恭繳

御批奏摺事竊臣覆奏舵桿洲工程一事奉有

硃批伏查建築湖心石臺迺我

皇上普渡商客利濟萬世之至計凡屬臣工具有天良

奮興敢不竭力趕辦臣於每年水長停工時飭令豫為

皇上鑿石造船并備一切工料水退興工時飭令總理

分委各員及時趕辦未敢少懈今凜遵

訓旨益當留心督催辦理以期

欽工速竣至十五土司叨蒙

聖恩准予改流莫不歡呼拜舞俟部文到日設立文武

員弁建築城署塘汛一切善後事宜酌量辦理另

疏

題報外所有原摺并另摺奉到

硃批理合本併恭繳伏祈

睿鑒謹禱

奏開鑿黃河

覽事內開

一切善後事宜題到有旨

同日又

硃批諭旨

下

真

邁

柱



奏爲遵

旨回奏事本年六月初一日准巡察臣歸宣光咨爲奏聞事內開永綏地方周圍不過三百餘里將來卽盡行開墾產米亦屬無多兵民俱往辰常等處糴買米穀輓運背負而至一遇陰雨連旬灘河水漲山路險滑米糧不接甚爲惶惶仰懇

敕諭督臣撫臣於藩庫公項內撥給銀二千兩交與永綏同知採買運貯以備平糴歲以爲常再查永綏城內及附近水次之花園高巖俱有倉廩無庸另建等因接奉

硃批言之督撫二臣令其籌酌欽此移咨到臣臣欽遵諭旨查永綏係新闢苗疆產米無多誠應豫籌積貯是

以雍正十年九月內陞任湖南撫臣趙弘恩會同臣邁柱酌議兵丁月米令辰州府經由花園高巖南北兩路河道辦運在於吉多排補美花園米糯四處建倉收支各汛兵糧外又念各兵餘丁眷口及文武衙門人役以及民苗人等值青黃不接搬運維艱之時未免米價高昂臣等又議令永綏城內與夫花園三處各建倉十間各貯穀三千石以備附近兵苗借糴之需俟城工官署修竣之日另



動公項建造買貯業於謹陳六里善後事宜案內  
題准部覆在案是巡察歸宣光所奏臣於前題疏內  
已經詳議及之矣至所稱倉廩無庸另建者乃指  
運貯兵丁月米之米倉而非豫備積貯借糶之穀  
倉也今查城垣衙署漸次可竣而永綏城內與夫  
花園二處現在督令一面建倉一面遵照原議動  
用公項值茲年豐穀賤乘時買貯以符原題穀數  
於兵苗永有裨益所有巡察歸宣光原奏毋庸另  
議爲此謹  
奏覆

旨臣謹

奏

業經辦理何庸再議所奏是

雍正十二年九月十五日湖廣總督臣邁柱謹

奏爲恭報中晚二禾收成分數米糧價值仰慰

聖懷事竊照楚省早禾遍地豐收臣已查明具

奏今中晚二禾愈加豐稔臣行據湖北布政使李世

倬湖南布政使張璨各查明分數竝米糧時價分

晰開報前來與臣訪察相符謹另單開列恭呈

御覽自七月以來雨暘調順堤塍穩固高低田畝一應



黍稷麻豆襍糧俱獲豐收閭閻倉箱稱慶共樂熙  
皞竇據湖南辰州府屬溆浦縣呈齋瑞穀一箱有  
一莖二穗三穗者秀實穎粟洵稱嘉禾此皆我

皇上敬

天勤民至誠感召用致太和翔洽垂爲

盛世休徵理合一併奏

聞恭慰

睿鑒謹

奏

民間俗諺湖廣熟天下足豐收如是實慰朕懷但當愈

加寅畏以敬承

天貺不可稍涉縱肆

同日又

奏爲請

旨事竊照楚省收捐貢監事例原額北南各捐穀一百  
二十萬石湖北收捐過九萬餘石湖南收捐過一  
萬六千五百餘石尚未收捐二百二十九萬三千  
石有零雍正十一十二兩年因江浙等省米貴用  
濟民食并各案買補倉穀甚多臣請暫停收捐在

皇上案今荷蒙

殊批諭旨

下

臺

邁柱



皇上宏恩全楚慶年來未有之豐稔自應仍請收捐以符原額但楚省議捐穀石原爲常平倉積貯可裕兼爲隣省緩急之需今查隣省俱嫌倉穀貯久色變連年委員赴楚向產米地方自行採買不需倉穀似不必代爲豫備至於楚省常平倉北南貯穀一百一十四萬三千餘石又北南社倉貯穀四十五萬四千餘石本年收入成豐熟社倉易於輸納臣出示勸諭聽民自便輿情愈加踴躍將來社倉積穀倍多有備無患臣愚以爲楚省常平等倉現今俱屬充裕隣省又無赴倉買運若將應行流通之

穀多積於不待用之地似非隨時制宜之道況戶部暨雲貴廣西甘肅江浙等省皆因軍需海塘急務現有收捐事例更當酌量緩急俾願捐貢監者赴戶部雲貴等處捐收折色以濟急需所有楚省收捐貢監事例似無庸照額捐足應請徑行停止是否有當伏乞

皇上睿鑒施行謹

奏

徑行停止是當之至具疏題請可也

奏同日又



奏爲遵

旨議覆事本年五月十一日准原任湖北撫臣德齡鈔錄摺奏內稱武昌省城漢陽門一帶江岸日就傾圮請將本省收捐監穀事例改收折色三十萬石修築江岸等因奉

硃批與邁柱再加妥議題請欽此臣查湖北省城漢陽門沿江用石壘砌原有正護二岸現今正岸鞏固惟臨江護岸向有矧坍之處然所坍石條緊護正岸臣在楚數載每見伏秋水發於江岸無復加損及水落石現形跡依然如舊非必不可緩之事若

行估修必先採備石條而現在建築舵桿洲石臺工程浩大需石甚多北南兩湖雇募石匠開採每年採取之石僅敷舵桿洲之用此時亦無石料匠作可以分修江岸臣看漢陽門江岸情形卽越十年之後量加補砌猶未爲晚所有前撫臣德齡原奏無庸置議爲此具

奏覆

旨臣謹

奏

不急之務自應從緩所奏是

硃批諭旨

下

高

邁

柱



同日又

奏爲土司嚮化歸誠仰祈

睿鑒事本年八月初八日據湖南九谿協副將李椅詳稱據上崗長官司向玉衡下崗長官司向梁玉呈稱職等年來實難彈壓土衆久欲呈請改土祇因從前下崗司土司向鼎晟懇請歸流未蒙

皇上俞允是以不敢冒瀆今聞湖北忠崗等十五土司得遂所請不但職等仰邀倣例而土民望風嚮化之念較職等尤爲激切爲此披肝瀝膽納土投誠伏乞曲體輿情轉請題達又於八月二十二日據

奏岳常澧道孫元永定營都司僉書郭從虎各詳稱皇上據茅岡土司單純一呈稱卑司久欲呈請改流以奏免漢土淆襍前因下崗土司向鼎晟不准改土遷延至今茲土衆聞湖北忠崗等土司俱蒙

皇上恩予歸流土民得遂其所卑司土衆不肯自甘化外卑司亦難照舊管束爲此瀝陳下悃納土歸流籲懇轉詳題請各等情前來除批令查明該土司等版圖戶口竝該土司各本身田地頃畝數目詳皇土覆到日核辦外謹將該土司各等情詳題外臣查各處土民深受土司殘虐急欲歸流而不



賈可得今蒙我土民受土行矣  
皇上恩威竝用教養兼至如悖逆土弁田旻如畏罪自  
縊忠崗等十五土司默化潛消宜乎上下洞暨茅  
岡各土司情詞懇切悉願改土且土衆觀感嚮化  
歸流念切自應俯順輿情歸入內地俾得共沐  
皇仁所有土下崗及茅岡各土司呈請歸流緣由理合

繕摺

奏明伏祈

皇上訓示遵行謹

奏

據奏土下崗暨茅岡各土司自願改土歸流具題到日  
候朕另有諭旨

湖廣總督臣邁柱署理湖北巡撫臣楊祕謹

奏爲遵

旨回奏事據湖北布政使李世倬鈔錄條奏爲敬陳管  
見事一摺奉

硃批言之督撫欽此臣等遵查李世倬陳奏四條一屯  
糧宜令州縣協徵一禁止私築垸堤二條現在行  
查酌量辦理其請嚴遏糴併酌停糶一條查米石

竦備各項自應聽商販運况屢奉

硃批諭旨

下

真

邁

柱



敕諭各省無敢遏糶至民間出糶已於湖北按察使王柔條奏爲敬陳通裕民食等事案內會議

題明現候部覆李世倬所奏遏糶停糶之處毋庸置議又奏稱各營長支銀兩仍請隨扣隨抵以免混淆一條緣鎮筮鎮總兵官楊凱奏稱營中截曠銀兩卽名長支請隔季扣除部議嗣後離省寫遠各營俱照鎮筮鎮所請之例隔季銷算扣除等因奉旨依議通行欽遵今該司李世倬以雍正十年定例離省六百里以外之營應領餉米兩季兼發存貯文員庫內按月支放其長支俸餉等銀卽應照數扣

除若改照隔季銷算之例於餉銀無益轉致延壓等語臣等正在酌議間又據李世倬會同湖南布政使張璨詳稱湖廣北南各標鎮協營官兵俸餉經各營每於月前季初請領回營迨後官有陞遷事故兵有逃汰降拔自有截曠銀兩應解司庫歸還項款查歷來截曠銀兩按月按季扣除委無拖延壓捺之弊惟兩季兼領之營分春季甫中卽請夏秋二餉秋季甫中卽請冬春二餉實以兩季爲一季若照鎮筮鎮之例再隔一季竟是一年一扣爲期甚遠實屬拖延難免弊混請嗣後截曠銀兩



除按月按季請領者仍按月按季除還外其兩季  
竝領之各營領餉回營定例存貯文員庫內按月  
給發應扣截曠銀兩似應飭令各府州縣按月扣  
存具文報司各該營亦按季造冊通報仍將應扣  
數目載入下季文領內送司以便按數扣抵竝令  
各府州縣卽將上季扣存截曠銀兩發與湊給如  
請餉時止支放過四五箇月亦將此一季有零之  
月分內所貯截曠銀兩一併冊報流抵兵餉如此  
則兩季兼領之營亦無隔季不清之餉等因通詳  
前來臣等覆加查核該司等議詳甚屬妥協隨批

令移行遵照竝咨明戶部兵部在案但楚省如此  
辦理已杜侵挪延捺之弊其直隸各省兩季兼領  
之營若照鎮算鎮所請之例隔一季銷算扣除竟  
是一年一扣爲期甚遠是名爲除弊其實轉滋弊  
混有關餉項非淺理合一併陳明伏祈

皇上睿鑒施行臣等謹

奏

事關軍營俸餉如應題明具疏題奏以聞

雍正十二年九月二十八日湖廣總督臣邁柱謹

上奏爲欽奉

硃批諭旨

下

真

邁柱



上諭事雍正十二年九月二十八日接准大學士鄂爾泰張廷玉字寄雍正十二年九月十三日奉

上諭湖南湖北副將內著總督邁柱將能勝楚省總兵之任者密舉一二員奏聞欽此等因寄信到臣臣

皇上查楚省副將內有永順協副將王進昌才技出眾

邊疆事務實力辦理調度有方堪寄重任又衡州

協副將崔起潛中平才具操守謹飭曉暢營務現今署理永

州鎮總兵印務訓練嚴明正己率屬且此二員年

力精健任楚已久熟悉風土均可勝楚省總兵之

任謹遵

旨密摺奏

聞伏候

聖裁謹

備奏

母椿齡乃朕記名上等之員保舉一等內既未開列今茲密奏復未言及其居官或有不妥協處否

雍正十二年十一月初二日湖廣總督臣邁柱署

理湖南巡撫臣鍾保謹

奏為遵

旨回奏事雍正十二年十二月十九日據鎮筵鎮總兵

殊批諭旨

下

夏

邁

柱



曰回楊凱咨稱奏摺內開鎮筮城外原有溪河一道發  
寒源鳥巢河直抵瀘溪縣其中有三四十里或生根  
大石或無根大石橫斜阻塞船不能通約得工價  
銀七千兩便可開鑿等因陳奏奉

硃批言之該督撫汝等會商妥計如果意見相同僉謂  
可行一面辦理一面奏聞欽此咨呈到臣臣欽奉

諭旨查雍正十一年九月先據辰永靖道王葉滋通詳  
聖慈請開鑿此河今復據該鎮楊凱咨呈摺奏同屬一  
事行令布政使張璨詳委岳常澧道孫元親赴彼  
密地會勘去後今據張璨詳據孫元移稱會勘鎮筮

原有溪河二道一在城東南由石羊哨至兩江口  
達辰谿縣大河現今麻陽荔溪等船往來可通一  
在城東北由筮城至河溪口達瀘溪縣河上下俱  
通柴船惟中間烏雛至媽雛三十餘里巖石阻塞  
不通舟楫卽今鎮筮總兵楊凱奏請開鑿之處也  
查河身亦覺寬濶誠恐疏鑿之後水勢甚急易於  
乾涸且河中橫巖巨石以及魚梁車壩蓄水之處  
甚多雖礙行舟然水勢賴以停蓄故筮城雖在萬  
山之中現今小舟尚可往來一經疏鑿水勢迅疾  
無阻恐源流有限直瀉無餘難保其長流不息且



近河悉係民田皆設天然水車就水勢衝激流轉以資灌溉疏鑿之後河身低下車運不及轉致有妨田畝不便開鑿等因詳覆前來臣等覆查鎮筵城外原有溪河二道一在城之東南直達辰谿縣河一在城之東北直達瀘溪縣河今鎮筵臣楊凱奏請開鑿東北溪河之處河源發於西南高阜東下陡急近河悉屬莊田安設天然水車以資灌溉河中之橫巖巨石水勢賴以停蓄一經疏鑿直瀉無阻不特無濟舟行轉致有妨田畝所有總兵楊凱原奏無庸置議爲此具

奏覆

旨臣等謹

奏

所議是朕意亦謂不宜開鑿

湖廣總督臣邁柱謹

奏爲欽奉

上諭事雍正十二年五月二十九日准大學士鄂爾泰

張廷玉字寄雍正十二年五月十四日奉

上諭湖廣容美土司素稱富饒兼以田舜年田旻如父子濟惡苛虐貪婪廣有蓄積此衆人所共知者今田



旻如畏罪自盡所有貲產財物絲毫不必入官清查此案之官員亦不可絲毫染指著一一登記明白將彼地能曉大義聞風向化之長官士民詳悉查明分別等次通行賞賚再田旻如之子弟親屬俟審結後若有應給安插之費亦將此項賞給爾等可卽傳諭邁柱知之欽此遵

旨寄信前來等因到臣竊臣任楚之始卽聞容美土司強橫富饒行同王侯遂留心細加體察方知田旻如庸懦無能一味苛虐土衆虛博富饒之名臣因其僭妄暴戾屢負

聖恩怙終不悛是以列款糾叅迨旻如畏罪自縊之後隨卽委前按察使王柔會同荊州道姜邵湘進司辦理善後事宜一面清查旻如財產不許絲毫隱匿旋據該司道轉委安陸府署通判毛峻德枝江縣知縣傅琛造具現存衣飾馬騾等物并被土衆搶失物件冊各一本前來臣查冊內家產寥寥無幾竝無金銀厚貲先被土人搶散衣馬等物該土人陸續自行繳還訊據旻如之子弟田琨如等僉供祖上原屬富饒明季遭流賊賀搖旂搶擄貲財一無所有迨後田舜年漸立家業又被長子田炳



如承襲浪費至田旻如雖橫徵濫派每年花費過多實無銀錢積蓄等語臣恐猶有隱藏情弊尚在確查俟查明另報至清查家產各員無敢絲毫染指再田旻如連年整備拒敵官兵種種謀爲不軌業經審明按謀叛已行擬斬所有財產入官妻子應給功臣之家爲奴經臣照律審斷具

題在案茲奉

上諭臣仰體

皇上格外宏恩請將旻如父子田園仍入官外其餘服飾等物賞給旻如妻子似屬情法兼至再土人歸

化之初非比內地百姓咸知泉貨大吏爲國員之國法若遽以財物賞賚恐不能遍及而受賞者未免矜能肆志將來難以約束查容美土司每年額解

日善秋折糧銀九十六兩請以雍正十年起至雍正

聖恩臣未敢擅便所奉

皇仁咸知感激但一切賞賚出自

密旨亦不敢繕入審案俟內部將審案核議

題覆之日統祈

欽定遵行謹繕摺覆

硃批諭旨

下

臺

邁

柱



旨臣謹

奏

具題到日朕另有諭旨內閣稽察案外  
雍正十二年十二月初四日湖廣總督臣邁柱謹

奏為恭請

聖裁事竊照湖北臬司員缺奉

旨著河南管河道白映棠補授欽此臣查湖北刑名事  
件倍多於湖南必須歷練老成之員方於通省官  
民有益以新授北臬白映棠較之湖南按察使胡  
瀛則胡瀛固已任久熟諳且臬司大吏為屬員之

表率而白映棠由武昌府知府陞轉離湖北未久  
各府知府直隸知州多係舊同寅即白映棠不敢  
重朋情而輕公務誠恐各府州恃有向日寅誼不  
無怠玩所關甚鉅以詎愚見莫若將白映棠與胡  
瀛北南調用一轉移間匪特白映棠可以避嫌而  
人地亦各相宜矣是否可行伏祈

睿裁謹

奏

白映棠與胡瀛互調之奏是有旨諭部矣

奏同日又

硃批諭旨

下

嘉

萬

柱



奏爲請

旨事竊照因公叅處之州縣官疊荷

恩綸著該督撫將其居官如何出具考語送部引

見其有人材可用而逾格加恩遷擢者不計其數臣仰

體

皇上愛惜人材之至意於因公叅處之屬員中靡不留

心體察茲查原任鍾祥縣知縣王世經先於叅革

安陸府知府陳齊登案內被勒出銀革職留任又

因該縣姦民張東周等聚衆抗糧部議將王世經

革任在案又有原任寧遠縣知縣蔣德重因拏獲

盜犯覃日鼎覃萬三寄監越獄脫逃二叅限滿不

獲部議降三級調用仍留地方協緝嗣查覃日鼎

等於越獄之後卽被瑤人奉禮太等打死無犯可

緝竝非承緝不力經湖南署撫臣鍾保將蔣德重

降調之案咨請開復准部覆以該犯被瑤人打死

竝非該員協同緝獲應將所請蔣德重開復之處

無庸議在案臣查王世經謹飭自持有志奮勉蔣

德重熟悉苗疆努力向上此二員皆屬有用之才

較之初入仕途之人實屬諳練今俱因公呈誤殊

爲可惜倘蒙



聖主格外加恩准將王世經蔣德重交臣於新闢土司  
仍以知縣委用俟三年無過地方整理准其實授  
則該員等自當努力任事益圖報效矣可否伏乞  
皇上睿鑒批示遵行謹

奏

諭部將該員等檄調來京引見後有旨

同日又

奏雍正十二年十月初十日接准鑿儀衛咨為欽奉  
上諭事內開雍正十二年九月二十日奉  
旨從前兵部將漢整儀尉楊景達帶領引見都司缺看

楊景達騎射平常且人甚庸懦狡詐未必能勝任爾  
等密寄信與總督邁柱留心將楊景達試看倘騎射  
仍舊平常不急公效力行走著叅奏欽此密咨到臣

又本年十一月二十日准兵部咨為報明患病等  
事內開據湖廣蘄州營都司楊景達家人楊義呈  
稱竊身主楊景達偶患寒症現在延醫調治不能  
卽為赴任等因應准其調理俟病痊卽行起程赴  
任知照到臣准此查蘄州營都司一官有兵馬錢  
糧之責且濱臨大江接壤豫省本地匪類資其巡  
緝私販豫硝入境責令查拏實屬要缺茲新補都



司楊景達已奉

上諭騎射平常似難訓練弁兵又庸懦狡詐必不嚴督  
巡防況楊景達現今患病不能赴任要缺未便久  
懸仰祈

皇上另補一員

命速來楚或容臣於能勝都司之任者揀選

題補如楊景達已經出京前來俟有另缺酌量委署  
試看可否伏乞

聖裁臣謹

奏

有旨諭部矣

雍正十三年二月初十日湖廣總督臣邁柱謹

奏為奏

聞事據荊州府江陵縣詳報縣屬虎渡地方於正月初  
十十五等日有民人斂錢聚集各帶鋤筐堵築官  
河口稱保護田疇當即拏獲首犯熊明如等十九  
名餘犯俱即散去其堵築之河窄濬疏通商賈往  
來如舊等情臣查虎渡河直達湖南常德又分洩  
川江水勢歸入洞庭湖此河一經堵築舟楫不通  
商賈裹足且江汎水漲無處分洩勢必氾濫橫行



荆江下游之監石潛沔各州縣民命田廬恐難保  
全今愚民無知以爲築河可衛田疇殊不知爲害  
隣封甚鉅臣隨出示明白曉諭并行布按二司究  
明築河實情重處外理合備將情由奏

聞謹

奏

此皆平時忽畧未經預行曉諭之所致覽奏知道了

雍正十三年三月二十四日湖廣總督臣邁柱謹

奏爲奏

聞事竊照湖北襄陽等府州開墾一案臣欽奉

諭旨委員實心查勘并勸導民人盡力開墾務使地無  
遺利以副我

皇上愛養生民之至意今據布政使李世倬襄陽道魯

之裕開報各州縣報過首墾勸墾田地襄陽府屬

一萬五千九百九十二頃零鄖陽府屬六千七十

五頃零直隸歸州屬一千九百八十四頃零計報

墾田地共二百四十萬五千一百八十畝零內鄖

表西房縣保康三縣業已勸墾足額其餘州縣現在

查墾源源續報除俟各屬報墾復額一併繕冊恭疏

聞題報外謹將湖北府州開墾成效先行具摺奏



聞伏祈

睿鑒謹

奏

田疇日闢地無遺利善政也但須據實查報勿致勉強從事

同日又

奏爲奏

聞事本年二月二十一日據辰州府分防永綏同知梁璨詳稱准永綏協副將張崔移會內開正月十五日有一人名劉獻祥口稱伊主佟國忠係原任江

西巡撫佟國勳之弟在四川平茶司楊土官家入贅多年差來投帖請安等語敝協查佟國勳係旗員伊弟國忠不應在土司入贅且從未謀面相應連人并名帖移解查訊等因准此卑職隨訊據劉獻祥供主子年六十歲係正藍旗人原任雲南布政司後陞江西巡撫佟國勳之弟只聽得主子說原在雲南因到四川侯道爺處討帳至重慶府有四川平茶土司親屬楊昌朗在重慶住主子就在楊家入贅後來搬在平茶司客寨住如今約有二十多年今年正月初八日主子說永綏協張副將



的姪子在雲南做過協鎮後陞廣西提督向日原有交往差小的來與張副將請安十五日纔到投帖等語詳報到臣隨咨會四川督撫查拏佟國忠務獲審究外事關旗人脫籍潛藏謹將現在咨查緣由繕摺

奏明謹

奏

旗人入贅土司必有情故獲日嚴審定擬具奏以聞

雍正十三年四月二十四日湖廣總督臣邁柱謹

奏爲恭懇

聖恩事竊照容美改土歸流新設府廳州縣等官准部咨行令揀選熟悉苗疆才守兼優之員具

題補授臣思新關苗疆設官任職務以得人爲要但

楚省屬員之中欲與容美新設員缺對品而又才堪勝任者不易多得除襄陽府知府王志遴守謹才練熟悉苗情以之調補新設知府與例相符外其餘因才器使以資治理同知一員請以漢陽縣知縣梁瑛補授通判一員請以長陽縣知縣孟琅補授容美舊司治新設知州請以臣題署安陸府通判毛峻德補授新設州同請以應城



縣崎山鎮卓異巡檢繆鵬起補授新設州判請以卓異陞補巴東縣野三關巡檢王都補授五峰司新設知縣請以黃陂縣縣丞張曾毅補授新設縣丞請以漢陽縣蔡店巡檢龔之鑽補授以上梁瑛等七員均非對品應陞之員但俱係努力辦事才具練達且有現在容美分任經理諸事妥協土人羣相感孚如蒙

聖恩俞允破格擢用則各員亦自奮勉而新闢苗疆可收實效矣除恭疏具

題外相應奏懇

皇上睿鑒施行謹

奏

具題到日酌定有旨

同日又

奏前據辰州府分防永綏同知梁璨詳報旗員佟國勳之弟佟國忠漏脫旗籍在四川平茶土司之親屬楊昌朗家贅居多年經臣咨行拏解一面具摺奏

聞今於本年四月初八日據該同知詳稱差役前往平茶地方拏獲佟國忠到案訊據國忠供稱係正藍



旗漢軍祖名養玉父名佟高年原任江西巡撫佟國勳是五服以外的族兄小的生長江南自幼在外生理本旗原無名日是康熙四十四年入贅楊昌朗家竝未生育子女劉獻祥原是廣東人投身二十多年不是用價買的他要到永綏營喫糧小的曾吩咐他這張副將若在雲南做過千總他是我當日拈香的弟兄你就寫手本去請安不想劉獻祥到永綏營不問明白竟寫小的名帖去請安就被拏住移解的等情詳報前來除批飭請咨解部外所有拏獲脫籍旗人佟國忠緣由理合奏

聞謹

奏

旗人之與土司原屬兩不相涉一旦聯締婚媾托足多年豈無故而然歟應行徹底研究毋得疎畧

雍正十三年閏四月十三日湖廣總督臣邁柱謹

奏爲恭報二麥豐收分數米糧價值仰慰

聖懷事竊照楚省今年雨水調勻二麥菜豆俱獲豐收

茲據湖北布政使李世倬湖南布政使張璨各將收成分數及米糧價值分晰開報前來臣查湖北之武昌漢陽黃州荊州安陸德安襄陽鄖陽等八



府併直隸歸州一州各所屬三麥收成俱有八九十分不等其米價每石自六錢五分起至一兩不等湖南之長沙衡州永州寶慶岳州常德辰州永順等八府併郴州靖州澧州桂陽等四州各所屬三麥收成俱有八九十分不等其米價每石自七錢三四分起至一兩不等臣謹另繕清單恭呈御覽外伏查楚省從前不多種麥百姓不知二麥之利與稻穀無二近年蒙

皇上屢頒

諭旨各地方官俱能欽遵多方勸諭廣爲種麥野無遺

土民多蓋藏目下雨水充足禾苗青秀閭閻俱有含哺鼓腹之樂理合一併具

奏伏乞

睿鑒謹

奏

覽全楚麥收分數朕懷深慰

同日又

奏竊照黔苗滋事逼近楚邊臣聞信卽密札提臣派定官兵豫備聽調其黔楚聯界地方調撥弁兵堵禦前經具摺



奏明嗣於閏四月十一日據貴州貴東道署鎮遠遊擊知府知縣守備聯銜詳爲請兵援剿事內稱本年三月內有姦苗從古州暗布妖言誘惑新疆頑苗該地文武正查緝間姦苗糾衆窺犯古州之王嶺汛已被官兵擊敗又奔至清江犯台拱之番抬汛復被官兵擊敗乃聚集於台拱清江交界之雞擺尾經督撫提遣發官兵剿除逆苗竟敢阻絕清江擁衆迎敵至今相持未解四月間逸入邛水邊方勾串熟苗夥同響應遂至肆行無忌將鎮遠府屬邛水司及鎮遠縣所屬八洞等處民村漸次焚

劫本省提督不日親統大兵臨鎮但兵從上游檄調勢難尅期雲集又聞清平縣屬之凱里等處熟苗亦相附和黃平州屬附近重安之天堂寨亦被焚燒郵站大路復有阻滯現在鎮遠境內騷擾者東則攻圍瓦寨已近楚省邊疆南則拒敵塘頭更逼黔南門戶而且勝秉及舊施秉縣亦日與逆苗對敵若非上下兩路大兵會剿恐難滅此朝食用敢詳請迅發精兵數千赴黔會剿仍請先撥辰沅鎮算官兵數百直趨瓦寨救援又上年楚省協濟米萬餘石皆運貯清江今被逆苗阻隔不能轉輸



竝懇分檄湖南將奉撥協黔米石星飛輓運鎮遠以資兵食等因呈詳到臣隨卽飛咨湖南撫臣提臣就近酌遣官兵運送米石均無刻遲旋准提臣董芳咨稱閏四月初三日准貴東道咨稱請兵援剿卽於本標五營內挑選壯兵六百名委右營遊擊韋國英管領限本月初五日由水路起程星赴黔省瓦寨地方救援去訖又准署撫臣鍾保咨稱卽於沅州倉內碾米四千石澁浦縣倉內碾米一千石共五千石委員運送直至鎮遠以應急需等因均屬辦理妥協臣思隣封有警理宜應援兵

貴神速尤當豫備今逆苗勢熾甚是猖獗誠恐需兵數多除湖南附近黔苗之營汛不便派撥外其餘撫提各協營派備三千名如不敷用臣現於湖

奏北各標鎮協營密派二千名聽候黔省調用一切軍行應用之物俱經整備俟有咨調文到再爲撥往至楚省與貴州所屬天柱錦屏開泰玉屏等縣交界地方現撥鎮筸鎮辰沅靖三協暨綏寧武岡二營弁兵前往協防悉皆嚴密苗民安堵無事其有鎮遠清溪玉屏百姓來至楚屬沅州一帶躲避者又黎平錦屏開泰天柱各居民有搬至楚屬靖



州通道一路躲避者臣俱行令各該地方官查造戶口清冊內有貧難者散給口糧加意安插撫恤俟寧靜之日給以路費移回原籍不致失所所有楚省遣兵及豫備聽調之處理合奏

聞伏祈

奏

覽派遣備辦各事宜俱屬妥協楚黔接界動關軍機慎為之不可輕視

雍正十三年五月二十二日湖廣總督臣邁柱謹

奏雍正十三年五月十八日接准大學士鄂爾泰張

廷玉字寄內開雍正十三年五月初四日奉

上諭台拱逆苗不法寧可多備楚省再撥兵二千名陸

續前進協力嚴勦以除兇逆等因欽此臣思湖南各

處標鎮協營撥發堵禦援勦并護運米石共用官兵

四千餘員名其餘有本處汛防之責不便抽調隨

將湖北豫備兵丁二千名委叅將遊擊四員每員

帶領五百名飛飭起程由常德陸續前進又因北

南官兵赴黔援勦有五千餘員名必得總兵官大

員前往鎮遠節制方為妥協查襄陽鎮臣焦應林



年力强壯該鎮亦豫稟情願統師效力臣委令該鎮赴鎮遠總統北南官兵聽貴州提臣哈元生調度俟各營報到官兵起程日期另疏前數又因北題報外所有再撥湖北官兵赴黔協剿之處合先具摺于繪員各其制育本國所出之責或此馬前奏明謹  
覽奏已悉黔事尚在未竣當再行預派以備調遣合摺  
雍正十三年六月二十四日湖廣總督臣邁柱謹奏竊照楚省今年閏四月以前雨水調勻二麥豐收

自五月初三日徧霑雨澤之後各屬間有得雨不能周遍省城兼旬不雨臣齋心修省於二十五日起設壇祈禱至六月初十十四十八等日北南兩湖俱經得雨田禾滋潤米價每石一兩上下不等今年伏汛長水甚小又隨長隨消各屬堤塍穩固早稻業已收穫聞低窪湖田十分豐熟高處稍歉望聖容臣確查收成數另報外合先具摺奏聞伏祈恭辨早霑水如代燮

睿鑒謹  
五十二

奏



頃聞楚省缺雨殊甚所奏情形與朕所聞迥不相符

雍正十三年七月十五日湖廣總督臣邁柱謹

奏為恭報早稻收成

湖北民食所重在米成分數米糧價值仰慰

二麥為事

聖懷事竊照本年楚省二麥豐收臣已具摺奏

聞今早稻俱已收穫經臣行據湖北布政使李世倬湖

南布政使張璨將收成分數及米糧價值開報前

來臣查湖北武昌漢陽黃州安陸德安荊州襄陽

鄖陽等八府歸州一州各所屬收成俱有十分九

分八分七分六分不等米價每石自七錢七分起

至一兩一錢不等湖南長沙衡州永州寶慶岳州

常德辰州永順等八府澧州桂陽郴州靖州等四

州各所屬收成俱有十分九分八分七分不等米

價每石自七錢一二分至一兩不等除將收成分

數米糧價值另摺臚列恭呈

御覽外理合繕摺奏

聞上慰

聖懷伏祈

睿鑒謹

奏

此奏不實悉屬粉飾之詞朕付之不覽



卷之...

奏

奏

奏

奏

奏

奏

奏

奏

奏





